


# INGANGABWĪTE YĪKUPA AKŌGO

## AKASITA KUSISIMIKISĪGWA

 Ndaga fiyo ugwe, Nkundwe Demos. Ulwēne lo lusako ulukulumba ukuya apa mu lubūngānio lwa kiKristi ikilo iki, pāsi kuno nkīsu kya matalala iki. Kangi une nakōlīle ku kāya, pitāsipo, kangi ukwēne kulo amadigri malongo mabili ukupyapo, kubutali kumwanya kula nkati Kululu, ukukīnda ukwēne kuyīlīle ukusuluka kuno. Une nābagile ukuti nākitwēle ikyo na une. Une nisakubopela mōsa kangi nukugomokela kāngi, nakalingo itolo. Ifibyālīgwa fyōsa fikūma ni mbepo. Ngimba ugwe kwīnogona fiki isya ikyo, Creechy? Ukwene ko . . . [U nkundwe ikuyoba, “Ukwēne kutalalifu.”—Nsimbi] Ukwēne nalōlilōli kuli.

<sup>2</sup> Kangi tusangalwīke fiyo ukufikako kukwāgāna nu ntimi unnini uyu, ikilo iki, kangi ukukēta umwe bāndu. Une itolo njile nkati, utubalilo tunāndi. Une nīsīle kuno ukufuma ku Tucson, kūko une nāfīmibilisīgwe ukubūka umwīsyūgu. Nalyēndīsye iligali ikilo kyammayolo, kangi mfikile muno kifuki isala ibili na yasinda ulubunju ulu, mula mu Tucson. Kangi polelo nāli mmwanya ilisiku lyosa ukusuluka kula. Kangi nāsōkiléko itolo utubalilo tunandi. . . Mulimosa, une nāfikile mula, itolo kyāli mu sala-na-sinda, une ngusakikisya, ikindikimo bo ikyo, pamwanya apa. Kangi popāpo une ngagona fiyo utulo mma. Lōli ngugelaga komma ukubūka kukugona utulo kuno. Lōli uswe tuli—uswe tuli basangalufu ukuya apa.

<sup>3</sup> Undumiana unnini uyu, ikukina ukusyūngutīla na ifi fyakuyobelapo apa. Une nālitūgēsye kunyuma kula, pa . . . kimo mwa kikota kya bāna. Akalumiana akanini kakwīsa, kalinkungēta une nalōli nubuhēsya. Une ndinkuti, “Twesa ba uswe bāna tubagile ukwitūgāsya palikimo, bule mma uswe?” Lilino, une nalōli mbaganīle abēne abīnito abanīni, lōli.

<sup>4</sup> Kangi ikyēne kyo, o, ikyēne kyo nalōli kinunu ukuya apa ikilo iki, kangi ukuya na iki ikinunu ikilūndilo kya bāndu bīmīle ukusyungutīla. Kangi une ngusūbīla lilino ukuti Nkundwe Williams ababūlīle umwe syōsa isyakufwāna, kangi Nkundwe Rose apa, isyakufwāna nu lukomano-ulukulumba ulu lukwīsa. Une ngusakisya umwe mumenye kanunu ni kyēne. Lukuyaga ku Ramada, nakalinga itolo, ku lukomano-ulukulumba lwa Business Men. Kangi uswe tukugūlīla akabalilo akakulumba kula. Nkundwe Velmer Gardner, u nnūnu, u njobi ugwamaka; na babombeli abāngi, Oral Roberts na bīngi, bisakuyaga kula. Kangi uswe tukugūlīla akabalilo akakulumba mwa Ntwa.

<sup>5</sup> Une ngusubila, tumo mwa utubalilo utu, unko uswe tuyege nu bubōmbelo bwa bubūmbulúsyo mu buyo bula. A-ha. Une ngulōnda ukummwēga Nkundwe Oral, kangi uswe tukuyaga palikimo. Ena, nkulumba. Ngimba ikyo kitikuyaga itolo kinunu? Ikyo kibagile ukuya kya—kya nalōli kyakubongotolélan-kati panongwa ya kyēne, bule icyēne? Ububōmbelo bwa bubūmbulúsyo, ukusulukila ku Ramada, kila kisakuyaga kinunu. Uswe. . . Popāpo uswe tubagile ukubōmba ikyo, umwe mumenye. U Ntwa abagile ukupa ikyo kwa uswe, ukuya nu bubōmbelo bwa bubūmbulúsyo. Popāpo uswe twīsa. . . Ukusyūngutila lilino, ukufuma ku kipānga ukubūka ku kipānga, ukugela ukubālānia inongwa inunu, kangi nukwēndalana yumo nu nnīne, nukuya nu bulilanisi mu fyōsa ifipānga ifikindāne. Ikyo kyo iki uswe tukwitika, ukuti, uswe tuli yumo mwa Kristi.

<sup>6</sup> Une nayobaga ilisiku limo ku ngānga. Une ngwītēndekēsya ukusōkápo ukubūka ukukilania inyānja, kangi ugwe kufimbilisigwa ukuya nu bukētési bwa mbili. Popāpo une nāli mula panongwa ya bukētési. Kangi umwēne ābikile kimo mwa fila ikiyīga. . . Une. . . Komma ukundālúsyu une kyo fiki icyēne. Kangi umwēne ākyāgile ikindikimo ikihēsya. Kangi umwēne alinkugomokela kangi alinkutoligwa ukukyāgania icyēne, kangi umwēne alinkubēga ikibugutila kya bagānga, kangi itolo balinkusitakupilikísya ikyo. Umwene alinkuti, “Une ngakibonámo siku ikyo.” Kangi popāpo umwēne alinkunāngísya une ikipīcha kya icyēne, mūmo fikuti kūko mwābwīla u buyepo, kangi ugwe uli na mabyebye, kangi ifyēne filekēne fiyo ukufuma ku kimo ni kinine. Lōli umwēne ākētēsísye pa fyāngu ifyene fyāli fyosa-fibili palapala palikimo. Alinkuti, “Ugwe gwe mwinitu unswīgísye.”

Une ndinkuti, “Une bwila nāménye ikyo. Aligwesa ikubomba.”

<sup>7</sup> Alinkuti, “Uswe tukakibonámo ikyo siku.” Popāpo umwēne alinkwānda ukumbūla une isya icyēne.

<sup>8</sup> Une ndinkuti, “Mulimōsa,” une ndinkuti, “ugwe umenye, une ngusakísya u Ntwa ununu, akabalilo kākō Umwēne ikututēndéka uswe mōsa, Umwēne itolo ikututēndéka uswe ukukīndána panini. Uswe tutikuboneka ngati yumo nu nnīne, kangi popāpo utubalilo tumo uswe tutikubōmbéla ngati yumo nu nnīne. Lōli—lōli Umwēne ikutēndéka icyēne ku Mwēne. . . injila Yāke Mwēne iya kutēndékéla icyēne. Uswe itolo tukubūka mu makina gakubūmbila amanywāmu, kangi uswe tukwitūgāsya itolo kimyemye, Umwēne isakutubūmba uswe injila iyi Umwēne ikulōnda uswe tuyege.”

<sup>9</sup> Kangi une—une mmenye nayumo abagile ukulōnda ukuya kalikōsa lōli aka ugwe guli. Ikindu kyene iki uswe tubagile ukunyonywa. . . Ukufuma pāpo uswe tupokīgwe nukuya bāna ba Kyāla, ikīndu kyēne uswe tukulōnda ko kwēnda kwakifukipo

panini ilisiku lililyōsa. Ikyo kyo iki uswe tukwisyūka, panongwa ya bulilanisi ubukulumba bula. Bo bununu buki icyēne kili! Ngimba ubagilēmo siku ukwīma ukwīnogōna itolo iki uswe twābagile ukubōmbága linga uswe tukāli nakyo ikyo? Fiki—fiki . . . Linga ulusūbilo ulukulumba lula lukāligemekisye mwa uswe, angali tukubōmba fiki?

<sup>10</sup> Une nāyobága, nkimo mwa fipānga, une ndi . . . Ikyākwānda, ubuyo bumo, polelo ubūngi, kangi ukusyūngutīla ikīsu une ngutēndēka ubuyobi utubalilo tumo, ngwinogōna une mbagile ukwāndīsa icyēne nkipānga kilakila. Lōli une nāsōkága ukufuma nkiyūmba kūko une nafumile pakulāmbalīka nubusitu bwīngīpo, isya bāndu aba umwīsyūgu bikubōmba iki apa ikimogi ikipyā abēne bali nakyo, abēne bikukibilikīla ukyēne tyōnga, pamo ikindukikimo. Kangi une ndinkuti, “Une itolo ngamanya, iki ikīsu, abāndu bikulōnda ukukonyolēla amalūndi kangi—kangi ukubōmbéla bo lula panongwa ya fiki.”

<sup>11</sup> Polelo, aalipo umwinitu, ukufwana malongo-mabili-na-ntāndatu, ifyīnja malongo mabili na fihano-na-fibili ifi fikindilepo, ālinyāgile une kunyuma, alinkuti, “Akabalilo kanandi itolo, Tata. Branham.”

Une ndinkuti, “Ena, nkulumba?”

Umwene alinkuti, “Ugwe umenye, ugwe utikupilikisya itolo.”

Une ngusubila, “Une ngusubila ndikubōmbámo siku.”

<sup>12</sup> Polelo umwene alinkuti, “Ugwe uketile,” umwene alinkuti, “Une mbagile ukuketa ifūndo yāko.” Alinkuti, “Ugwe gwe nnyāmbála gwa fyīnja malongo mahano mbukusi. Lōli linga ugwe uli gwa bukusi bwāngu, icyēnde āngáli kikīndēne.”

<sup>13</sup> Une ndinkuti, “Gūlila panandi.” Une ndinkuti, “Une nālumbililága Inongwainunu akabalilo kako une nāli fyīnja kalongo nkekepo ukukīnda na ugwe. Une ngali ngwitika Inongwainunu yila. Une nkyāgile ikindukimo iki kikuboneka pa buyo, kangi ubusangulufu bwīngīpo mukubōmbéla u Ntwa ukukīnda ifindu fyōsa ifi mōhési abagile ukwāta kulikōsa.” Ikyēne kyo . . . Ikyēne kikumbápo ubwikitisigwe.

<sup>14</sup> Ugwe umenye, Davidi āyobile, akabalilo kamo, “Bomumo imbabala yikūmwilwa ku misi ga kasoko, ubumi bwangu bukūmilwa kwa Ugwe, O Kyāla.”

<sup>15</sup> Kangi linga ugwe gwakētilēmo siku yumo mwa bīnītu banini, akabalilo kāko umwēne—umwēne afulasīgwe, lumo imbwa sinkolile umwēne, kangi sinyukwīle akayabo akanywāmu ukufuma ku lubafu lwāke, pamo ikindukimo. Umwēne ikusōka ililopa. Kangi, umwēne, imbwa yibagile ukunnkōngésya umwēne. Umwēne akaya ngati nnyāmbála. Kangi umwēne abagile ukufwīma imbabala yila kali umwēne ikusōka ililopa pamo mma. Kangi popāpo injila yēne . . . Linga imbabala yila

yikusōka ililopa, injila yēne umwēne abagilémó siku ukuya nu bŭmi ko kufika kŭko kuli mīsi. Kangi linga umwēne abagile ukufika kŭko kuli mīsi, umwēne isakunwa amīsi gala. Agēne gisakumasya ukusōka kwa lilopa, kangī—kangi umwēne abagile ukubopápo. Umwēne gwamahala fiyo.

<sup>16</sup> Lōli lilino umwe mubagile ukwīnogonéla, ngukēta yumo mwa bīnítu banīni afulasígwe kangi ikusōka ililopa, kangī itolo mŭmo untu gwāke gwāli mmwanya, kangi lyōsa ilibyebye lya kwīpilikisya kŭko amīsi galiko, ni mbulo yāke. Itolo, umwēne ikufimbilisígwa ukugāga amīsi, pamo ikupyūtígwāga. Kangi lilino ikyēne kyo itolo bŭmi pamo bufwe, ku mwēne. Umwēne, itolo akayabo kalikōsa—kalikōsa—kalikōsa ka lŭma ulu umwēne alinalo, umwēne ikugela, ikunyōnywa. Umwēne ikufimbilisígwa ukugāga agēne.

<sup>17</sup> Lilino, iyo yo njila iyi uswe tukulōndígwa ukŭmililwa kwa Kyāla. Muketile? “Bomumo imbabala yikŭmwilwa ku misi ga kasoko ka mīsi, ubŭmi bwāngu bukŭmilwa kwa Ugwe, O Kyala.” Yaga mīsísígwe nu Mwēne kubuyubumo, kyo kinyonywo kya ndumbula yāngu. Kangi une ngusŭbīla ukuti ikyo kyo kinyonywo kya bōsa aba bali muno ikilo iki.

<sup>18</sup> Kangi lilino, kilo ukufuma pa kilo, kangi une ngulōnda ukukēta iki. Ifisyo ifi ugwe kukēta pa buyo bumo, ugwe kufikēta ifyēne ku bŭngi. Une—une nkiganīle ikyo. Umwe mukunāngísya ubulilansi, kangī ukuyobéla iki uswe tuyīlīle apa.

<sup>19</sup> Kangi, o, une nalōli nguganile ukukēta uluyigo lwākayīlo-kaiyolo mu Phoenix. O, mwe! Ilisyu lila *Phoenix* linsensemwísye une ukufuma ka kabalilo kākwānda kalakala une nābalile ilyēne, isya ilyēne, Phoenix, Arizona. Mwe, ndumiana nnīni, une ndinkwīnogóna, “Linga une nābagilémó siku ukufika ku kabuyo kala! Linga une nābagilémó siku ukufika kula, ku Phoenix!” Kangi lilino ngukēta akēne, kangī akabalilo kāko uswe tuli kuno uswe tukukāga akēne kayubikígwe mbusolofu bwa butulwanongwa, ngati gōsa agāngi ga mabuyo, abayāti bikugwīlámó; ukunwa, ubuhuni, ubulogwe, kalikōsa palipōsa.

<sup>20</sup> Lōli, napāpo, nkati mwa fyōsa fya ifyo, ugwe kwāgamo tumo utubwe utupala utwanalōli utu Kyāla atuyūganīle pānja ukufuma ku lulalangang kuno, utu tukumulika nu ngíga sya bāndu ba Kyāla abīmikígwe. Kangi ikyo kyo iki une njīle apa, ikilo iki, ngwibika nimwene na umwe bakundwe kangī umwe bākalŭmbu, ukugela ukumulika u Bwēlu bwa Ntwa Yeso ku bāngi, ukuti abēne babagile ukwāgígwa, bōpe, mu lutamio ulukulumba ulu. Kangi bīngi ba bēne bali pānja pala tāsi. Une nīkutisígwe isya ikyo. Bakāli balipo abakōngelélápo ukwīngíla, kangī uswe tukufimbilisígwa ukubōmba kilikyōsa uswe tubagile ukubafikísya abēne kula, nu kwītŭgála ubŭmi ubu bwísa kunāngísya Kristi.

<sup>21</sup> Lilino, itolo bo tukāli uswe ukubala akasimbe akanini ka Lisimbo . . . Une nāsile nkati ngābile fiyo une itolo nasimbile utūndu utunāndi, kifuki mu maminiti mahano ga kabalilo. Kangi abasongo ya sikali bāndūmīle itolo une ifyakugomola afyasōngo fimo, kangi une nafimbilisigwāga ukwāndako mula nakalinga itolo, kangi icyēne kibagile ukutumigwa pa positi, une ngwīnogōna, lumo umwīsyūgu, tāsi. Kangi popāpo une ngufimbilisigwa ukwakwīngila mbubōmbela mbombo ifyakutumatuma. Kangi akabalilo kāko une nīngile, Billy āyobīle, “Ugwe kinunupo uyege mwēngo.” Kangi popāpo apa . . .

<sup>22</sup> Une nāli itolo ukusyūngutīla, kangi ukusyūngutīla, ukusyūngutīla, na bīnītu bala. Mwe, o, mwe! Abēne bikuyoba isya bugolofu ku fifigo fya bulongelanongwa. Une nguswīga kūko icyēne kiliko. Ena. Une ngakētāmo siku bo sila. Kangi abēne bālōndāga une ukuhōmba isongo ya sikali pa icyēke kilikyōsa iki kyāpēgīgwe kwa une ku fyīnja malongo mahano ifi fikīndile, ukuhōmba nukumalīsyā ifyakumelēlīgwa ifya lasanasio, na matīngo ga bwānike pa kyēne, muketile, amadola maelifu bamia-matatu na maelifu malongo mahano.

<sup>23</sup> Une ndinkuti, “Itolo ndusulila une.” Ngimba une mbagīle bulebule ukubōmba ikyo? Une ndinkuti, “Une ndolīgwe nubukafu nukuya nayo ukukīnda masenti malongo-mahano-na-tuhano.” Une ndinkuti, “Ngimba une ngubōmbāga bulebule ikyo?” Kangi abēne bākolīle imbulo yāngu ku ligudumu ku fyīnja fihano.

<sup>24</sup> Popāpo, isi abāndu babīka ngamo mula. Mūmo, uswe tukuyaga ni sasanio, kangi—kangi abāndu, abēne itolo bikumanya ingamu yangu yo William Branham, abēne itolo bikutēndēka ukusimba icyēke kya fyakuhombahomba. Ababōmbēli bikutēndekesya isya ifyo. Une ngēgāmo siku i kyābūpi mbūmi bwāngu. Kangi popāpo abēne bikwēga . . . Une ngwēga u—u mfwālo ukufuma ku kipānga kyāngu, amadola mia yumo pa ndungu.

<sup>25</sup> Kangi icyābūpi iki . . . Lōli aligwēsa, muketile, ukuti abēne bābīkāga mula . . . Kangi ulubūnju ulukōnge, u—u—u—u yūyo āli nkulumba gwa kibugutīla kya bakyufyūma, umwēne isāga kwa une nukuyoba, “Nkundwe Branham, ugwe kufimbilisigwa ukung’wāla ifyēke ifi.” Kangi, fiki, une itolo nāng’wālāga ifyēne. Umwēne āfibīkāga ifyēne nkati. Kangi polelo abēne bakētēsīsyē mōsa ukukīndāmo, kangi komma isumuni nayimo iyi yahōmbīgwe kwa nīmwenē. Lōli akabalilo kāko une nang’wālīle icyēke kila, abēne balinkuyoba icyēne kyālī kyāngu. Abāndu bāpaga icyēne kwa une, polelo une nāpāga icyēne ku kipānga. O, mwe!

<sup>26</sup> Une nālīpilīke mbubibi fiyo, pakwānda, polelo une ndikwīsa ukusyāgānia ukuti u nnyāmbāla aligwēsa mu i Bāngēli, une

ngwītika, uyu ālīmo siku nu bubōmbélambombo yamwambepo bwa Kyāla, alūnganisigwe ni sikali sya kīsu. Kētēsya ikyēne kunyuma kangī kyāgānia ikyēne mōsa. Ubo bo bwanaloli. Mōse, Danieli, Yohani u Mōsi. Yeso Kristi āfwīle pa kiboko kya sikali ya kīsu, pāsi pa lufūndo ulukulumba. Peteri, Yākobo, Yohani, Yohani unsetuli, bōsa, aligwēsa . . . Bōsa bākubīlwe ulufwīmo.

27 Fiki? Ikyēne kyo kikota kya Sētāno. Ngimba umwe mumenye ikyo? Ngimba umwe mumenye, Sētāno ālimwēgile Yeso mmwānya nukunāngīsya Umwēne ifitāngalala, i kīsu, nkafwāsi ka kabalilo? Kangī umwēne alinkuyoba, “Ifyēne fyo fyāngu. Une ngubōmba ni fyēne kilikyōsa une ngulōnda. Muketile? Kangī une ngukupāga ifyēne kwa Ugwe linga Ugwe kugwīla pāsi nu kunyīpūta une.” Popāpo umwe mukukēta kwa ywāni abēne baliko? Uswe tukukibēnga ukwīnogōna ikyo isya abītu twībēne, lōli ikyēne mo kiyīlile.

28 Popāpo Umwēne alinkuti, Yeso alinkuti, “Sōkāpo ugwe, Sētano.” Umwēne āménye Umwēne ikwīngilāga ikilīngo ku fyēne, mu Fyīnj’elifu. Umwēne āménye ifyēne fisakuyaga Fyāke akabalilo kākō . . . Akabalilo kākō, linga ifisu ifi fyālagililīgwāga na Kyāla, u Fyīnj’elifu āngali alipo. Loli kisakuyapo akabalilo.

29 Abēne bali na U.N. kangī Ukukolelelāna kwa Fikolo, na filifyōsa, ukugela ukutwāla ulutēngāno. Lōli akabalilo kōsa Sētāno yo ali pa mwānya pa ikyēne, kangī indyāli, ngimba kyo fiki kikubonekāga? Abēne bisakulwāga itolo nubusisimikisya bo kīkīsu.

30 Lōli kwisakwīsāga akabalilo pāpo ifilwīlo fyōsa fisakulūndikīgwa. Kangī ing’oma sisya kulūnduma, kangī ulubūnju lukukya Kwāsypwa, lukumulika kangī kukīle. U Mwlaifyāle gwītu isakwēga ikikota Kyāke. O! Pisakuyapo ukwīmba; pisakuyapo ukuywēga. Kangī pisakuyapo indembela yimoyēne, abāndu bamobēne, ikikolo kimokyēne, bikuyoba injobelo yimoyēne, Kyakumwanya. Ameni. Une nisyūkilē akabalilo kala. Kangī une ngugūtila kubwabung’wāle bula, ngusūbila kwa Kyāla, ilisiku limo akabalilo ikyēne kimalīke, une mbagile ukuyoba . . . Une mbagile ukumpilika umwene ikuyoba kwa une, “Isaga apa pamwanyapo.”

31 Une ndi muno mu Phoenix ikilo iki mu Ngamu ya Ntwa. Une ngābagile—ngābagile ukugela ukulīngānia iki kyābonīke. Mwebīngi umwe bāndu mwe mukwēga amatēpi, yāga basisimikisyi ukwēga yimo yila, *Ngimba Ko Kabalilo Nki Akēne, Nkulumba?* Kila kyāli itolo bo ngāli une ukusōkako ku kāya. Imboniboni yālindumīle une kuno; yo, une ngamanya fiki . . . une umma . . . une ngaya mūlisya matepo, kangī une ndinkutamīgwa ni fīndu ifyo. Uswe tukugēga agēne, kangī uswe tuli ni mbombo ya tepi ukusyūngutīla i kīsu. Kubutali mmatēngēle na kulikōsa, abēne bali nato utundutumo utunīni abēne bikubīka mu mbulukuti syābo, abēne bali nato, kangī babagile ukutepa

ikyēne mu tepi, kangī ikwīma pala nukusanusya kila mulamula mu njobelo. Kangī iyēne yikubūka ukusyūngutīla ikīsu.

<sup>32</sup> Kangī, lōli yimo iyi une nāli nayo, yila *Ngimba Ko Kabalilo Nki Akēne, Bakulumba?* Pamo, *Ngimba Aka Ko Kabalilo, Nkulumba?* Bamo . . . Une . . . Mpyāgilo nkilo, imilūngu mitatu igi gikīndīle, ku kipānga. Ukufuma pa būmi bwāngu bōsa ubwa kukēta imboniboni, une ngālīmo siku na kandu kamo no aka pabūtāsī, mbūmi bwāngu. Kangī une ngamanya ikye kyo fiki. Une ndi apa itolo, lōli Umwēne āndumile une kuno. Une ngamanya ukuti ikyēne kikusanusya fiki. Une itolo . . . Une itolo ndi kuno.

<sup>33</sup> Kangī une mbagīle ukuya gwābwānalōli kangī gwānalōlilōli, kangī iyo yo yēne njila uswe twisakufikila kulikōsa na Kyāla, ko kuya gwānalōlilōli. Nongwa yakuti, abanyāmbāla bisakumanya. Kyāla amēnye, mu bwāndilo, ugwe ukaya, kali ugwe guli pamo mma. Kangī abanyāmbāla bisakumanya. Panongwa yakuti, akabalilo kamo, ālipo unnyāmbāla yumo ikugela ukusolola. Kangī Kyāla alinkumbula . . . Pamo, u nsololi gwānalōlilōli ālīmūlīle umwēne, alinkuti, “Unko uswe tukūmbukīle. Bālipo abasololi bo tukāli uswe. Unsololi ikumanyīgwa pene pāpo ubusololi bwāke bukwīsa kukuboneka.” Popāpo uswe kinunupo tuyege basisimikisyi uswe tumenye ukuti Kyāla āyobīle lūlo, bo uswe tukāli ukuyoba kalikōsa ka ikyēne. Yāga gwābwānalōli kangī gwānalōlilōli.

<sup>34</sup> Lilino unko uswe twinamisye imitu gyitu itolo pakabalilo ku lwiputo. Lilino unko uswe tulibikaga palubafu ulupāsyo lulilosa lilino, ku maminiti manandi aga gikwīsa. Une nguswīga . . . Mu kabugutīla aka akanini akaganingwa ka bāndu apa ikilo iki, une mmenye ukuti tulipo utubwe utupala bitūgēsye apa aba Yeso isakwīsa ukwēga ilisiku limo, aba bīsakusumuka ukufuma ku lufūmbi.

<sup>35</sup> Kangī babagīle ukuyapo bamo apa aba bakaya basisimikisyi fiyo mma kali abēne bisakuyako kula, pamo mma. Umwe mubagīle ukuya nu lufūmbwo lwa findu ifingi. Līnga lulipo ulufūmbwo mbūmi bwāko ikilo iki, unko ulwēne lumanyigwēge na Kyāla, bo umwe mukufyūsya ikiboko kyīnu, itolo mukuyoba, “Kyāla, Ugwe umēnye iki une ngusanusya lilino. Kangī nsayaga une. Une—une ndi mbine. Une ngufūmbwa ulubūmbulusyo. Une ne—une ne njōngīle. Une ngulōndīgwa ukugomokēla ku bulīlanisi. Une—une ngulōnda ukugomokēla. Une—une nsobīle. Une ngugomokela. Une ngulonda Ugwe undūle une, ikilo iki, ukugomokēla.” Kyāla abasaye umwe.

<sup>36</sup> Tāta Gwākumwānya, lilino bo uswe tukusegelēla ikikota Kyāko, mu njila ya Lilopa lila, namanga, kangī Aroni ābūkīle nkati pankyēni pa—pa kikota kya kisa, umwēne ālyēgīle, ikyākwānda, ililopa nkiboko kyāke, kangī umwēne ābūkāga nkyēni, kangī uswe, nu lwītīko ikilo iki, tukwāmbilīla i Lilopa

lya Ntwa Yeso Kristi, nukusegelela i kikota kya Kyāla, nubukifu, tumenye ukuti uswe tuli nu bwābūke ukwīsa, komma mu bugolofu bwītu twībēne mma, lōli mu Bwāke. I Lilopa likwīmila ukusukīgwa kwītu. Kangi une ngusuma, Tāta Gwākumwānya, ukuti Ugwe kwisakupāga isūmilo yītu.

<sup>37</sup> Ikyākwānda, uswe tukusuma Ugwe ukuya gwakisa kwa uswe, ukutuswa uswe ukufuma ku ngilano syītu syōsa, bo uswe tukulāta isobi syītu, kangi utubwītabanie twītu utunīni, kangi imbībi syītu isya mbutītu, kangi imbībi syītu insitakumanyīgwa. Kangi uswe tukulāta nūswe ukuya babōmbēli, ukuya bapūti, imbībi sya bāndu. Palikimo, Ntwa, uswe tukwīma. Uswe tubaganīle abāndu. Uswe tukwīpilika bo yu Mōse bo umwēne ālisopile mwēne pakati, ukubakoleléla abāndu, ubugāsi bwa Kyāla. Ko kunāngisya kuki kula kwāli, ukwa bugolofu bwa Kristi, akabalilo kāko Kristi ālisopile Mwēne pakati, ukupoka abāndu!

<sup>38</sup> Kangi, Tāta, uswe ukuya bābombi Bāke, na Mbepo Gwāke mwa uswe, u Nkristi aligwēsa nkati muno ikilo iki, ikolelége mwēne pankyēni pa ntulwanōngwa: “Kyāla, yaga gwākīsa ku bēne.” Uswe tukukūtila ababine kangi abafūmbwe, ku maboko amapala gala, bamo mwa bēne bakāngāle, kango bamo bakeke, kangi bamo ba bukusi-bwapakati, bikufyūsya amaboko gābo. Ugwe umenye fyosa ifwakufwana na ifyo, Ntwa. Uswe tukusuma ukuti Ugwe kwisakwāmulāga ukufwana nu bukabi Bwāko mu lwīmiko.

<sup>39</sup> Baliyaga ngako bīngi ikilo iki, Ntwa, babūkége ukufuma apa, aba bīsile nkati, aba babine, abēne baligomokelāga, bali kanunu, babūmbulusīgwe. Itolo ikindikimo ukuboneka, abēne bakabagīla nukulīngānia ikyēne, lōli abēne bamēnye ukuti abēne bali kanunu.

<sup>40</sup> Baliyaga abēne aba bayōngile babūkége bagolisīgwe, Ntwa, bamenye ukuti abēne bagomokīle kangi bapīmībile Kristi pāpo abēne balindekile Umwēne. Balibūkāga abēne, ukutēndēka ingomokésyo. Pāga, Ntwa, ukuti bala bābo bakīsāmo siku bisakwāgāga ubwābūke ubupala bula ubwa kuya mwābūke, bīgulīgwe ukufuma nkibaga, komma kangi ukupinyīgwa ni fīndu fya kīsu ni mbākīsyo sya būmi ubu, lōli bātēndekīgwe bābūke mwa Kristi. Pāga ikyēne, Tāta.

<sup>41</sup> Sayaga fyōsa ifi uswe tufūmbilwe lilino, kangi sayaga i Lisyu Lyāko nu gwāmbombo Gwāko, kangi uswe twīsakukupāpo Ugwe ulutūfyo. Mu Ngamu ya Yeso uswe tukusuma ikyene. Amenī.

<sup>42</sup> Lilino, linga uswe tubagile ukubala ubisīmbo bwa Lisimbo, pamo i Lisīmbo ukuya busīmbigwe, ndigi, Bakorinti Gwākwānda untu gwa 14, ilinandi lya 8, likubala bo ulu, mu Bakorinti Gwākwānda 14:8.



*Kabuno linga ingangabwite yikupa akōgo akasitakusisimikisigwa, ywani ukwitetendekesyaga mwene ku bwite?*

<sup>43</sup> Ili likuyaga lisimbe lyakufwāna ili uswe twābagile ukulūmbilila imilūngu mibili ukufuma lilino pa lyēne, kangi lōli nasiku ukupalamasya ulwēnge lwa ilyēne. Kilipo ikindukimo ikya Lisyu iki kikapūtīla. Ugwe kingikingi ulu pa busimbe bumobwēne bula. Ugwe ubagile ukupinya i Bāngēli lyōsa ni lyēne. Ikyo kyo kitalusye.

<sup>44</sup> Iisiku limo u mwīnitu yumo ālindālusīsyē une, alinkuti, “Ngimba ugwe ubagile bulebule ukwēga ubusimbe bumobwēne bulabula?”

Une ndinkuti, “O, mwe! Ugwe kwēga inongwa ya kalikōsa ukufuma mu lyēne.”

<sup>45</sup> Une nāpīmBILE mmwanya i ndeka ya māni-matatu yilāmbalēle pa mfu, nukunkolelēla mmwanya. U nnyāmbala yula itūgēsye apa ikilo iki, ukufuma ku Tucson. Kangi uswe twāli mu Pasadena, California. Kangi une ndinkuti, “Une nābagile ukwēga i ndeka ya māni-matatu iyi nukulūmbilila ifyīnja malongo-mabili-nafihano pa yēne: mūmo iyēne yo būmi, ubu buli mu yēne; mūmo, amāni matatu gala, ukuya butatu mwa Yumoywēne. Kangi, o, o, filipo itolo ifindu fīngi fiyo ifi uswe twābagile ukuyobapo isya ikyēne.”

<sup>46</sup> Kangi bule isya Lisimbo? Ilyene lyo Lisyu lya Kyala. Ilyene lya Bwīlanabwila. Ikyēne—ikyēne lyaali . . . Ilyene likaya nu bumalikisyo. Ilyēne likūmilīsyā ukukīndilila nkyēni, nkyēni, nkyēni. Ilyēne mbwīfisilo kwa uswe.

<sup>47</sup> Kangi lilino ikilo iki une ngulonda ukuyoba pa iki: *Ingangabwite Yikupa Akōgo Akasita Kususimikisigwa.*

<sup>48</sup> Mu kwīnogōna isya ilyēne, itolo akabalilo kanini pītasipo, akabalilo kāko une nīnogonāga pa i . . . inōngwa yila ya songo ya sikali, une ndinkwīnogōna, “Kikayapo kifuki nakimo umwīsyūgu iki kyo kisisimikisye. Kilikyōsa kili nabo ubusitakusisimikisigwa ku kyēne.” Kangi kalikōsa aka kali kasitabusisimikisigwe kakabagila ukusūbiligwa. Kalilkōsa aka kali kasitabusisimikisigwe kakabagila ukusūbiligwa. Ugwe itūgāsya kubutali ukufuma ku kyēne linga ikyēne kikaya kisisimikisigwe.

<sup>49</sup> Linga ugwe uli ni bukyulusi; kangi, iki, uswe tuli nabo abanyāmbala abakyulusi balipo, lumo bīngi ba abēne. Linga ugwe kubōmba u bukyūlusi ubu bukaya busisimikisigwe, ugwe utisakubikaga ngamo fīngi fiyo mu bwēne, panongwa yakuti i—i ikyakuyabana kyo kisitakusisimikisigwa, kangi ugwe utisakutēndēka ulufufyo lulwīngi fiyo mu bwēne. Pamo, linga ugwe nnūnu, nkyulusi unkomu, ugwe kwīsa kugūlila nukulōndēsya mōsa, linga ugwe uli nasyo ihela simo isyakubyāla, mpaka ugwe kwāga ikindukimo iki kyo

kisisimikisígwe, ikindukimo iki kyo kisübílígwa, ikindukimo iki ugwe ubagile ukusübílapo. Panongwa yakuti, ugwe utikulõnda ukutāga akahela akanīni kala aka ugwe gwākyūngile mpaka pala, panongwa yakuti na yila ugwe āngali gwitēdekile ubwitūgale, ukufuma ku mfwālo ukufuma—ukufuma ku buyabane ubu bukufūnjígwa pa lufufyo ulu. Fiki, ugwe kufimbilisígwa uku—ukwāgapo ikindukimo ukuyílāpo nubūmi.

<sup>50</sup> Kangi akahēla akanīni aka ugwe ukyūngile, komma ukubīka akēne mu nyāmbi yāko nukukalēka akēne mula, panongwa yakuti abahīyi bisakukība akēne. Muketile? Komma, komma ukubōmba ikyo. Linga ugwe ulinako akēne, fufya akēne mu kindukimo. Kangi polelo ugwe kulõnda ukuya nsisimikisiy isya busisimikisiyo bwa lufufyo lwāko. Linga ugwe utikobōmba ikyo, fiki, komma ukufufyaa akēne, na panandi.

<sup>51</sup> Popāpo, ubukyulusi bo nalõlilõli buli ba bwīme ubusenyēdgwe ikilo iki. Ubukyulusi bulibōsa, mbwanalõli bwāke, nkīsu, buli nkayīla akasenyendeke, panongwa yakuti ikīsu kili nkayīlo akasenyendeke. Ugwe itolo ukabagila ukwiyītíkisiya gwīmwéne. . .

<sup>52</sup> “Lilino, une une nguya pakukaba ihela *ya-kuti*, ukwīyēngéla nīmhwéne akanunu, akāya akanīni kubuyobumo.” Ikyo, ikyo kyo nalõli kisenyendeke, une ngwisakukubūlāga ikyēne kili, panongwa yakuti i sikali yibagile ukwēga akēne kōsa mōsa, nkilo kimo.

<sup>53</sup> O, ifīndu ifi fikamandīle i demokalase yītu, yibolile fīyo, mpaka iyēne yo nalõlilõli nsenyendeke! Uswe twālisibīle ukubagila ukubīka ikilūndiko kya lusūbilo mu demokalase yītu. Kangi, iki, une nalõli ngwīnogōna iyēne yo bubūmbe ubunūnu ukukīnda bosa bwa sikali. Lõli, pōpe, i demokalase yītu yo nsenyēdeke. Panongwa yakuti, uswe, ikīsu iki, abāndu bītu, uswe tuli ni kilūndiko kya ndagilo, kangi ikilūndiko kya ndagilo iki kyo—kyo bumalikisiyo bwītu. Lõli, pōpe, mu kila, ikilūndiko kya ndagilo kyītu kyo kisenyendeke, panongwa yakuti ikyēne kyo kitalile kibongotoligwémo utubalilo twīngi. U mpisi Tāta. Roosevelt ātēndīke ulufuluganio ukufuma ku kyēne. Popāpo, muketile, umwe mukukēta ikyēne kibagile ukubongotolígwa. Ulwēne lukaya lusūbilo lwīngi ugwe ubagile ukubīka mu kyēne.

<sup>54</sup> Indyāli, o, mwe, bo busenyendeke buki! Abāndu itolo bikūmāna, nu kūmāna, nu kūmāna, ukufwāna ni ndyāli. Kangi abapalamani bisakīndāna, isya isyēne, kangi abāndu aba bāli abakalilo kamo bīnake banunu. U pulezidenti yumo isakufyuka mmwanya, pamo umunduyumo ukusasania ukuya serifi, pamo ikindukimo, kangi umwīnitu uyūngi pa lubafu ulungi lwa lupaso lwa ndyāli, kangi abēne bisakūmāna yumo nu nnīne mpaka abēne bikukīndāna pa kyēne, ndyāli. Kangi une ndiku. . . ngusūbīla une ndikufulasya ubwipilike bwa yumo, loli une ngwinogona ikindu kyosa kibolile. Muketile? Ena, nkulumba.

Popāpo nongwa ya fiki ugwe kūmanága nukukīndána isya kindukimo iki kikaya kinunu mulimōsa? Uko ko kutalusya. Ikyēne kyo itolo kinyali fiyo.

<sup>55</sup> Umunduyumo āyobíle kwa une ilisiku ilíngi, umwēne alinkuti, “Ngimba—ngĩmba ugwe kwisakwisalilaga ndusalo ulu?”

Une ndinkuti, “Une ndalile nsalile.”

Alinkuti, “O, ndusalo ulu?”

<sup>56</sup> Une ndikuti, “Une nsalile Yeso.” Une ndinkuti, “Une ngukubūla ugwe. Balipo abāndu babili bikwīsalila une.” Une ndinkuti, “Kyāla ālisalile kuli une, kangi u mōhési ālisalile ukulwānana une. Kangi une nāsaliile kuli Kyāla, popāpo une ndinalo ulusalo lwāngu palapala.” Kikwēgela kūko ugwe kubīka ulusalo lwāko, mūmo ugwe kusōkelága pānja.

<sup>57</sup> Popāpo, kētésya, itolo lululu ulu, ukubanāngísya umwe itolo akabuyo akanini, kangi polelo uswe twikusōkápo apēne. Mu lusalo lwa pulesidenti ulu lukīndile, akabalilo kāko ikyēne kyāli nalōlilōli kisisimikisígwe mu Chicago na mabuyo amakīndáne, ukuti a makina aga abēne bāli nago ukusalilápo, ukuti, agēne gatendekesígwe na ba kibugutila kya Democratic, ukuti akabalilo kalikōsa ugwe kwīsalila Tāta. Nixon, ugwe gwafīmbilisigwága ukwīsalila Tāta. Kennedy, akabalilo kamokēne kalakala. Polelo, ugwe utikuya nu lusako nalumo. Kangi ikyene kisisimikisye!

<sup>58</sup> Kangi umwe mwapiliike *Monitor* ikilo kimo, akabalilo kako abene babakile u—u kafukulafukula mosa nkisu, ukufuma ku Mississippi, kubusokelo. Tata. Nixon alyegile ulusalo lwa kifigo-ku-kifigo ulu, mana ku limo. U mundu abagile bulebule ukuponjola? Linga ikyene ali Tata. Kennedy, angali ikyene kili mu njila yilayila. Une ngaya nakyo ikibutila nakimo.

<sup>59</sup> Ikibugutila kyangu kili ku Mwanya, kangi une ndinabo itolo na bene apa ikilo iki. Uswe twitugesye mu mabuyo Gakumwanya, tukuyoba ku Mwalafyale gwitu.

<sup>60</sup> Loli, umwe muketile, une ngugela ukubabula umwe, ifindu ifi ifya kisu fyo fikusenyendeka. Kukayapo nakumo... kabagila ukubika ulusubilo mu fyene. Ifyene fyo fisitakusisimikisigwa. Kangi kalikosa aka kakaya kasisimikisigwe, une itolo kinunupo ukusokapo pabutali bwa kyene. Une ngakigana ikindu ikikwabile-pasi kila. Une ngigana ukwiyongania nu lubafu ulukwabila-pasi. Une nkiganile ikyene ikyakongelela, yaga pa lubafu lwakongelela.

<sup>61</sup> Lilino, ubumi bwa nkaya bwisile ukuya busitakusisimikisigwa. Umwe mumenye, une ngetile akayabo ilisiku ilingi, mwa yumo mwa kalata gwa nongwa kubuyobumo, ukuti ukusoka mbwegi kwa America kuli pamwanyapo ukukinda ikisu kilikyosa nkisu kyapasi. Kangi uswe tubagile

ukuya kisu kya bwiputi. Ena, kyabagile ukuya ikyo, mosa kanunu, loli ulwene lukaya lo luko ulutalusye. Muketile? Ubwiputi bo kyakwikinga itolo. Ikyene kikafu ukuyoba iki uswe tukutendekela ikyakwikinga kyitu ukufuma ku fiki. Adamu agelile ukutendeka u luko lumo lwa mani ga mafilu, kangi ikyene kikabombile imbombo. Ikyene kilinkuya naloli kisenyendeke akabalilo kako umwene asokile panja ukwagana na Kyala. Popapo ubwiputi butikufwanikisya ikyene kyosa. Loli ngimba umwe mubagile ukwinogona ukuti ubwingi bwa kusoka-mbwegi kwitu, pamwanyapo ukukinda—ukukinda fyosa ifisu ifingi, ukosoka-mbwegi kwitu? Uswe tukwaga ubulogwe pa bwendo ntwaya twitu.

<sup>62</sup> Ikyene kyali kiswigisye ukusyagania, ukuti, ikiyabo ikinywamu pa kafukulafukula gwa kisu, kangi nkati mu... Une ngusubila ikyene kyali mu Ohio, ukuti ukufukulafukula kwalyegigwe ikya Kikristi, kangi ikyene kyali kyakuswigisya kyo kiyabo nki iki kikabukaga na kukipanga mma. Kangi polelo, kifuki bakalongo lwele mwa mia yumo ba bala aba babukaga ku kipanga, bakamenye inongwa iyi babukilaga. Abene bakāyimenye fiki abene babukilaga. Abene bikubuka itolo ku kipanga.

“Ngimba fiki ugwe kubuka?”

<sup>63</sup> “Mulimosa, mama atutwele uswe akabalilo kako uswe twali banike, kangi uswe tukumilisa itolo ukubuka.” Kangi—kangi polelo, lilino, ikiyabo ikingi kya ikyo, bayobile ukuti abene babukile itolo panongwa ya, o, ukwagana na bapalamani babo nukuyoba pa kabalilo. Muketile?

<sup>64</sup> Fiki, ikyene kyo kyakuswigisya! Fyobene ubumi bwa nkaya bukingile, muketile, ubumi bwa kaya bulibosa bukaya bwitugase mma.

<sup>65</sup> U nkikulu aligwesa uyu ikwegigwaga nu nnyambala, kangi umwene akaya nsisimikisye isya nnyambala yula, umwene kinunupo andeke umwene pamwene. Kangi u nnyāmbála aligwēsa uyu ikwēgaga u nkikūlu, kangi ukaya nsisimikisiyi, ugwe kinunupo ukundeka umwēne pamwēne. Ugwe kinunupo ugwe iputa ukukindilila, pa kyene, mpaka Kyala ikukupapa ugwe ilyāmulo. Kangi polelo iki Kyala ikulungania palikimo unko nu mundu nayumo alingapagulaniaga mma. Loli uswe—uswe, ikyakwanda, uswe tukufimbilisigwa ukwiputa ukukindilila, pa ikyo. Ena.

<sup>66</sup> Lilino, uswe tukusyagania ukuti uswe tugelile ukupindusya ikisu ukwisila mu lubatiko lwa bumanyili, kangi uswe naloliloli twatendike ikinyanyasi ukufuma mu kyene, naloli ukufwana. Ugwe ukabagila ukupindusya ikisu kwa Kristi ukwisila mu lubatiko lwa bumanyili. Ubumanyili bukunkwabila umwene kubutali na Kyala, ukukinda mumo ubwene bukunkwabila umwene ukubuka kwa Kyala, panongwa yakuti umwene ikugela

ukwinogona umwene yo nkomupo ukukinda umunduyumo uyungi. Nu bununu mumo ubumanyili buyilile, Kristi akatumilemo siku i kipanaga Kyake ukumanyisya ikisu. Umwene akamanyisyemo siku abene, ukutendeka amaseminale. Umwene akabobilemo siku naloli ukumanyi-...O, abene bo banunu. Umwene akababililemo siku abene ukubuka nukuyenga ifipatala. Ifyo fyo fyosa fili kanunu.

<sup>67</sup> Loli u bukyulusi bwa Kipanga ko kulumbilila i Nongwainunu. “Buka umwe nkisu kyosa, ukulumbilila i Nongwainunu ku kipeligwa kilikyosa.” Muketile? Loli kalikosa akakindane ukufuma ku ikyo, kakuya kasenyendeke, panongwa yakuti akene kali panja pa lubatiko lwa Kyalala.

<sup>68</sup> Ubumi bwa kisu bo busitakusisimikisigwa. Mulimosa, ikisu kya pasi kyo kisitakusisimikisigwa. Uswe tuli itolo nu bumi mbuyo kuko ikisu kyosa kikuya nu bukupame bwa lutende, kikuboneka ngati, ukusenyenda fyosa. Ikisu kilikyosa, aligwesa, yumo ikuntula uyungi yula. Abene bikuyoba ulutengano.

<sup>69</sup> Abene bali, akabalilo kamo, abene bayobile, “O, akabalilo kako uswe tukulwa u Bwite Bwakisukyosa Bwakwanda mosa, ukuti abalumiana bitu bosa bikufimbilisigwa ukubuka kula, kang'i kila kisakubotesya amabwite.” Nongwa ya fiki, abēne bakamālile nukumala ukupūta ilyōsi lya ndusu mu mbepo mpaka abēne bāli pa būngi.

<sup>70</sup> Polelo abene bali ni Kibugutila kya Fisū, kang'i kila kyayaga pakuya sikali ya kisu kyosa, kang'i ikyene kyagwilemo mulamula. Lilino abene bali na U.N., kang'i ikyene kyo itolo kimokyene kilakila. Ikyene kyoep kigwilemo mosa. Kikayako nakimo ku kyene.

<sup>71</sup> Kilikyosa kyo kisenyendeke; ubumi bwa fisu, ubumi bwa ndyali, amakina ga lusalo. O, mwe! Abene bo itolo...Ikindu kyosa kisenyendigwe mosa, filifyosa.

<sup>72</sup> Lilino une ngulōnda ikukitwāla pāsi kifuki panini ku kāya. Muketile? Ubūmi bwa kipanga busenyēndīgwe kang'i busitakusisimikisīgwa. Lilino, ikyo kyo iki Paulo āyobelaga ngapo. Muketile? Ikyo kyo kuko umwene asanusyāga, “Linga ingangabwite yikupa akōgo akasitakusisimikisīgwa.” Ubūmi bwa kipānga busenyēndīgwe mōsa. Abāndu batikumanya kifuki ikyakubōmba. Abēne bikubūka, ukubēta ukufuma ku kipānga ukubūka ku kipānga, ukugela ukusyāgānia kyo kiliku iki kili ni kīndu ikitalusye; ukufuma ku mbānda ukubūka ku liyēngo, ukugela ukwāga iki kyo kitalusye, ko kugu kuli ikimanyisyo ikitalusye. Kang'i yumo ikwīsa ukusyungutila, kang'i abēne babagile ukulīngania ikyēne, itolo kifuki ku buyo bulabula bwa kimanyisyo kyābo, kyo kitalusye. Kang'i polelo, ikindu kyākwānda umwe mumenye, abēne bikwāgāmo ububole bwīngi fīyo mu kila, mpaka abēne bikugela ikipānga ikīngi, ukukēta iki ikimayisyo kyābo kyo fiki, ikimanyisyo. O, fyōsa ifi, uswe

tukusyāgámia ukuti uswe twībongotwīle twībéne mōsa polelo, ukwisila mu fīndu ifi, ukubūka ku ba mia ba mbātiko ingīndáne sya kipānga. Lilino, kikayapo nakimo ukulwana ni kyēne. Ikyo kyo itolo abēne babagile ukubōmba ifindu ifingi, polelo, kila abēne bikubōmba, kangi pala pabagile ukuyapo ubununu bumo bukusōka ukufuma mwa ikyēne, pabuyobumo.

<sup>73</sup> Lōli, umwe muketile, ugwe ukabagila ukubīka ulusūbilo lwāko mu kuyoba, “Une ndi gwa kibugutila kya fipānga fya Methodisti, kangi une—une ndi kanunu panongwa yakuti une ndi gwa ku kyēne.” “Une—une—une ndi gwa kibugutila kya Baptisti, kangi une ndikanunu.” Ugwe ukabagila ukubōmba ikyo.

<sup>74</sup> Ugwe ukabagila nukubōmba ikyēne akabalilo kāko ugwe kuyoba, “ndi gwa kibugutila kya fipānga fya Pentekosti.” Ugwe ukabagila ukubomba ikyo. Ugwe kufīmbilisigwa komma ukubōmba ikyo umma, panongwa yakuti ikyene kikaya mma. Uswe tukusyāgámia ukuti akabalilo kāko ikibugutila kyākwānda kya Pentekosti, Ulubūngāno Ulukulumba, lwābīkīgwe ndubātiko, pakāli pabutali fiyo mma mpaka abēne balinkwānda ukubongotokako ukufuma *kula*, kangi ukubongotokako ukufuma *kuno*, kangi ubutolwe, kangi ifimanyisyo. Kangi lilino keta itolo ku kyene, kulikōsa. Muketile? Ikyēne kikubūka ukunāngisya ukuti ikyēne kyo kisitakusisimikisigwa. Bala bābo bikusūbila itolo mu kipānganio kyēne, ikyēne kyo—ikyēne kyo kisitakusisimikisigwa.

<sup>75</sup> Lilino, ugwe ubagile ukuyoba, “Nkundwe Branham, ugwe kutwēga uswe panja pa lusāmba ulunywāmu pānja apa. Ugwe kusīngūla ikipīcha ikyāngīsi fiyo.” Kangi une ngulōnda ukubōmba ikyo. Une nālōndāga ukubōmba ikyēne.

<sup>76</sup> Une nābōmbile ikyēne pa nōngwa yimo, ukuti une mbagile ukuyoba iki. Ngimba kalipo akāndu kalikōsa kamo akasisimikisye? Ena. Kilipo ikīndu kimokyēne iki kyo kisisimikisigwe. O, une nsangalwīke fiyo panongwa ya ikyo, ukuti kilipo ikīndu kimo iki ugwe ubagile ukubīkāmo ulusūbilo lwāko, kangi kuyaga nsisimikisiyi ukuti ikyēne kyo kitalusye. O, akabalilo kāko kilikyōsa kikīndile, *Iki* kisakwīmaga. Linga ugwe kubalaga Mwikemo Matai 24:35, Umwene alinkuti, “Kumwanya na pāsi fisakumalikaga, loli i Lisyu Lyangu litisakutoligwāmo siku.” Kyala ali nalo ulwālo ulusisimikisye.

<sup>77</sup> U mwīnitu unkāngāle, āyobile akabalilo kamo, unkāngāle untītu ukusuluka Kwitōngo. Umwēne āpīmbile i Bāngéli, kangi umwēne ātoligwāga ukubala. Kangi abēne balinkuti, “Ngimba ugwe nongwa ya fiki kulipīmba ilyēne, Sam?”

<sup>78</sup> Umwene alinkuti, “Ilyēne lyo—ilyēne lyo i Bāngéli Likémo.” Alinkuti, “Ilyēne lisimbigwe pa Ilyēne.” Kangi alinkuti, “Une ngulītika Ilyēne, ukufuma kukikupililo ukubūka kukikupililo,

kangi ngwītika ikikupililo kyōpe,” umwēne alinkuyoba, “panongwa yakuti ilyēne lili na, ‘Ilibāngéli Ilikémo’ asimbígwe pa lyēne.”

<sup>79</sup> Kangi umwīnitu āyobága ku mwēne, alinkuti, “Ugwe utikwītika fyōsa ifi fili nkati mu Lyēne?”

Alinkuti, “Ena, nkulumba. Une nalōli ngubōmba.”

<sup>80</sup> Umwene alinkuti, “Lilino, mulimosa, ugwe kusanusya ukubomba kalikosa aka i Bāngéli liyobile bōmba?”

Umwēne alinkuti, “Ena, nkulumba.”

<sup>81</sup> Alinkuti, “Buli linga i Bāngéli lyāyobile ukuti Sam ukunyēlēla ukukīnda ikibūmba kimo kya mabwe *kila*? Ngimba ugwe kubōmbága fiki?”

Umwene alinkuti, “Une angali ngunyēla.”

<sup>82</sup> Umwēne alinkuti, “Mulimōsa, lilino, ngimba bulebule ugwe kukīndága mula nkibūmba kya mabwe kisita kibwīna ukuyapo pala?”

<sup>83</sup> Umwēne alinkuti, “Linga i Bāngéli lyāyobile ukuti Sam anyēle, pala angāli kilipo ikibwīna mula akabalilo kāko Sam ikufika pala.” Popāpo, ikyo, ikyo kyo itolo kifuki kyākusalusya. Pikuyāngápo ikibwīna mula.

<sup>84</sup> Ikindu kyene iki ugwe kufimbilisigwa ukubomba ko kwegwa ubwīme bwāko pa Lisyu lya Kyāla, kangi Kyāla isakutēndéka injila ya kyōsa ikīngi kya ikyēne. O, u Lwālo ulukulumba lula!

<sup>85</sup> Une ngusūbila Umwēne āyobile, kula mwa Luka, une ngusūbila ukwēne kwāli, kūko ukusuluka pāsi pa kyāmba, Umwēne āyobile ku bafūndígwa, “Yo ywāni uyu abāndu bikuyoba Une ne Mwanundumiana gwa mūndu ndili?”

Kangi yumo alinkuti, “‘Yeremiya,’ kangi ‘abasaloli,’ na fyōsa bo ifyo.”

Kangi Umwene alinkuti, “Loli ngimba umwe mukuyoba ukuti une ne ywāni?”

<sup>86</sup> Ako ko akabalilo kako Peteri atendike ubuyobelo ubufumuke bule, “Ugwe gwe Kristi, u Mwanundumiana gwa Kyala gwabumi.”

<sup>87</sup> Umwēne alinkuti, “Ugwe uli nsayigwa, Simoni, mwānundumiana gwa Yonasi, kabuno umbili nililopa fikasetula iki kwa ugwe. Lōli Tāta Gwāngu uyu yo ali Mmwanya āsetwīle iki kwa ugwe. Kangi pa lyālabwe ili Une nisakuyēnga i Kipānga Kyāngu, kangi ifipata fya gehena fitisakutola ukulwāna ni Kyēne.”

<sup>88</sup> Ngimba ikyēne kyo fiki lēlo? Pamwanya pa bwanalōli ubusetilígwe bwa Lisyu lya Kyāla. Ku, “Bwandilo lyālipo i Lisyu, kangi i Lisyu lyāli na Kyala, kangi i Lisyu lyāli Kyala. Kangi i Lisyu lyapeliigwe ukuya mbili kangi nukwitugasya pakati pitu.”

Kāngi ikyēne kyāsetulígwe kwa Peteri ukuti lila lyāli Lisyu ilisisimikisígwe lya Kyāla. Amení.

<sup>89</sup> Fyōbéne Umwene abagile ukuyoba, “Ngimba ywani abagile ukundobesya Une isya butulwanongwa? Ywāni abagile ukunsitāka Une? Kilikyōsa i Lisyu lisimbile isya Une, Une mbōmbile ikyēne.” Kyāla āsisimikisye ikyēne, ukuti Umwēne āli yo Lisyu. O, ilyo lyo kyene. Kyāla atwēle pabwelu, i Lisyu likuyoba lūlo, kangí polelo Kyāla ikutēndēka ikyēne kyānalōli, ikukitwāla ikyēne ikuboneka, ikunāngisya ikyēne.

<sup>90</sup> Ifyīnja ifi fikindilepo, akabalilo kako abēne bikuyoba ku kipānga, “Kikayapo ni kindu nakimo bo lōsyo lwa Mbepo Mwikemo, ikyo kyo itolo bwīpilike ubu abāndu biyēgile bēne ukwinyenyemusya,” lōli bala bābo bālyāmbilile Ikyēne, bāmenye bula bwāli bwānalōli. Abēne bāmenye Kyāla āli gwanalōlilōli. Kangi ikyēne kisisimikisígwe, mpaka, umwīsyūgu, uluyīgo lwa Pentekosti lwa Kyāla ukukilania ifīsu, lutwēle ukukīndāpo mwa Kristi ukukīnda bōsa abāngi ba bēne babōmbile.

<sup>91</sup> *Our Sunday Visitor*, pakaya patali mma, ikalatasi ya Kikatolika, yayobile, une ngusubila ikyene kyali kyinja kya pakiyolo, pamo ikyinja kya mmayolo, kimo, ukuti, “Ikipanga kya Katolika kyalingsye abapinduke sinda gwa miliyoni. Kuko, Abapentekosti balingisye imiliyoni yimo, amaelifu bamia bahano.” Amení.

<sup>92</sup> Ngimba ikyēne kyo fiki? Ikyēne kyo kīndu iki kikukula, i Lisyu lya Kyāla, likubalanila pānja. Mūmo uswe tubagile ukuya bakupālisya! Ikyēne kyo fīngi fīyo, mpaka, lilino bōpe aba Episkopo, Presbeteri, Luteri na bōsa, bikwīsa ukwēga tumo mwa Ilyēne. Umwe kētésya mu lukomano lwa Banyāmbala Bakyulusyi, ugwe kupilika abēne bikuyoba isya bamo abakīndāne: aba Episkopo, Luteri, Presbeteri. Fiki, ugwe panini fīyo kupilikamo siku isya m’Pentekosti ikubōmba kalilkōsa kangí mma. Uko ko kutalusya. Ikyene bo bosa abangi ba abene. Panongwa yakuti fiki? Abēne bakētīle ubōnywa bwābo ubwa kimanyisyo kyābo, kangí abēne bagomokīle ku Lisyu. Pala ugwe kulwāga u lwālo, ikindukimo iki kikabagila ukusemesígwa.

<sup>93</sup> Nyagila nkati mula, u Mbepo Mwikemo ikwitūgāla u Bumi Bwake mu bandu ba būndu, ikwibonesyapabwelu Mwene ku kisu. Kangi ikyēne kikipela abanyāmbāla ukūmilwa panongwa ya Mwēne: unsitakusenyendeka, unsitakukemeligwa, i Lisyu lya Kyāla kangí ikwināngisya Mwēne, i Lisyu Lyēne likwītūgalígwa mōsa ukukīndilila mbūmi bwa būndu. Kyo kīndu kinunu bule! Kakayapo nakamo aka kasitakusisimikisígwa isya ikyo. Ugwe ubagile ukuketa kuko Kyāla āfīngile ulufingo, kangí apa ikyene kikipelígwa ukubonekela. Abamia ba fyīnja ifi fikīndilēpo abasololi bāyobīle isya ikyēne, kangí apa uswe tukukikēta ikyēne kīkwīsa ukubōmbígwa.



<sup>94</sup> Ukukīnda mōsa mu kulōndésya-busobi, ukukīnda mōsa mu bukīndáne, ukukīnda mōsa mu fimanyisyo, mūmo abēne bagelile ukukanyila pānja i Lisyu lya Kyāla! Mūmo abēne bagelile ukupyānikisya nu bumanyili. Abēne bagelile ukupyanikisya, ukupela ikipānga-kipāgúke. Abēne bifulugénie bēne. Kangi ukufuma mu kyōsa ikyēne, i Lisyu lya Kyāla likāli likwīma itolo ukuya limulike kangi lindalike mūmo umwēne āyīlilémo siku. Ikyene kyo fiki? Ikyene kyo kindu kila iki kisisimikisígwe. Kyala ātile, “Fyosa-fibili kumwanya na pāsi fisakumalikaga, loli i Lisyu Lyangu litisakutoligwamo siku.” Polelo, ikyo kyo kindukimo iki kyo kisisimikisígwe. Linga ugwe kulōnda ukwingīmisya gwīmwēne, kīmīsyā i Lisyu lila mu ndūmbúla yāko.

<sup>95</sup> Davidi āyobīle umwēne āfisile Ilyēne mu ndūmbúla yāke, ukuti umwēne akābagīle ukutulwa inonogwa. Umwēne āsīmbīle indagilo Syāke pamwanya pa liyēngo lya kitala, nukusipinyilila isyēne ku fiboko fyāke kangi palipōsa, ukubīka i Lisyu Lyāke bwīla pankyēni pa mwēne. Iyo yo njila. Kyūnga ilinogonelo lyāko kingikingi . . .

<sup>96</sup> Kyāla ālimbūlile Yoshua, “Komma ukusanukila ku kililo pamo kukīmāma, ukufuma ku Lyēne. Polelo ugwe kwisakupela injila syāko ukuya syabukabi. Polelo ugwe kwisakuya nu buponjoli ubununu.”

<sup>97</sup> Kangi akabalilo kāko ikipānga kyōsa kikwībūngānia kyēne palikimo ukusōkāko ku fimanyisyo fyāke, kangi pamwanya pa Lisyu lya Kyāla, polelo i kipānga kisakuyaga nu buponjoli ubununu. Ikyo kisakutwāla ikindu iki kisakukanyila panja ikikomyunisti.

<sup>98</sup> Fyo fiki fyāpelile ikikomyunisti . . . ? Kikīndu kilakila, umwe mukwīnogōna “ikikomyunisti,” akabalilo kāko abēne bikubalania isyandyāli syābo, kangi bikubāla nakalinga fiyo, mma miliyoni, kangi abāndu bali nulutēnde isya ikyēne: ukuti ikikomyunisti kisakusima nukufwa. Ikyēne kikufīmbilisígwa ukuya mūmo. Ikikomyunisti, abēne babagīle ukubōmba *iki*. Abēne babagīle ukubōmba *ikyo*. Une ngwītīka Kyāla isakubōmbéla ikyēne, lōli, uko ko kutalusya, itolo bo Umwēne ābōmbīle Nebukadnezara. Umwēne isakulūndusya pānja, i—i—i . . . bōsa aba ndūlwe, panja, ni kikomyunisti. Lōli, ikyo . . . Umma, fingi fiyo ifya ikyo. Lōli, kēta. Lōli ikīndu, kikomyunisti, kisa kuya nu bumalikisyo. Kikomyunisti kisa kwisa kubumalikisyo bwāke.

<sup>99</sup> Lōli i Lisyu lya Kyāla likaya nu bumalikisyo, panongwa yakuti Ilyēne likāli nabo u bwandilo. Ameni. Ilyēne lyo Lyasyēpwa na Kyāla. Kangi linga ugwe ungimisígwe, kangi i Lisyu līngimile mwa ugwe, ugwe gwe Gwasyēpwa ni Lisyu. Ameni.

<sup>100</sup> Ikyène kibagile ukwisa ku bumalikisyo bwāke. Ifindu fyōsa fila fikusenyendeka. Sikaya nimbombo bo bunywāmu buki abene bikuyēnga imbānda, iyēne yikugwāga pāsi. Fyōsa ifindu ifi fikaya fya, fikulwāna ni Lisyu lila, pamo filekéne ku kyēne, fisakufimbilisigwāga ukusema. Ikyēne kisakufimbilisigwāga ukupa ubuyo, panongwa yakuti i Lisyu likwisa nubupōnjōli. Kikayapo nakimo kibagile ukwīmika Ilyēne. Kyāla ābōmbile ayobile lūlo.

<sup>101</sup> Akabalilo kako Umwene ikuyoba Ilyene, kumwanya na pasi fisakumalikaga, loli Ilyene litisakumalikamo siku. Fisa i Lisyu lila mu ndūmbūla yāko, akēgelo ka Lisyu lila nukulileka Ilyēne likulege. Kyūnga Ilyēne mu linogonelo lyāko, bwīla, panongwa yakuti Ilyēne litisakutoligwāmo siku. Lisyu lya Kyāla litisakutoligwāmo siku, panongwa yakuti Umwēne āyobile Ilyēne litisa. Popāpo uswe tukulōnda ukukyūnga ikyēne pa ikyo.

<sup>102</sup> Lilino, Pauli āyobile, mu Masimbo, ngati ukumanyisya unsikali, unsikali ku kōgo kamo. Lilino, unsikali ikufimbilisigwa ukumanyila utōgo twa fyāke...utwa lupēmbe pamo ingangabwīte. Umwēne akamanya linga ingangabwīte yikubūka, yikukuba, kali uku—ukubūka nkyēni pamo ukugomokelo nyuma. Linga umwēne atikumanya ubukīndāne, lo luko luki ulwalufuluganio lwa bābwīte ugwe kwisakuyaga nalo? U ndugu nalōli ikupōnjolāga pamwanya pa kibugutula kya basikali aba bakamanyisigwe kanunupo ukukīnda ikyo. Amenī.

<sup>103</sup> Ikyo kyo iki kitamisyē ni fipānga fītu umwīsyūgu. Uswe tubamanyisye abēne pa fimanyisyo, ukukīndanīsyā kimo ukufuma ku kīngi.

<sup>104</sup> Uswe tukufimbilisigwa ukuya yumo. Uswe tukufimbilisigwa ukumanya ingangabwīte. “Polelo yo yiliku ingangabwīte?” abēne bikuyoba. I ngangabwīte ya Nongwainunu, iyo yo Yēne. I Lisyu lya Kyāla gwābūmi lyo Ngangabwīte. Komma ukufulugania nakimo ni Lyēne.

<sup>105</sup> Komma ukumpela yumo ukukuba ilipāngo lya kiFrenchi, kangi uyūngi ukukuba u lupēmbe. Nayumo ikumanya ikyākubōmba. Ikyēne kikutwāla ulufuluganike.

<sup>106</sup> Kangi Pauli āyobile isya kumanyisya u nnyāmbāla ku kōgo. Kangi itolo bo mūmo akōgo kala kali, umwēne ikumanya katikati ikyakubōmba, panongwa yakuti ugwalupēmbe ali ni ndagilo, kangi ukufuma kwa kapitao umwalafyāle. Kangi akabalilo kāko umwēne ikukuba ingangabwīte yāke, isikali yikumanya katikati itolo ubuyo uku—uku būka nkyēni kangi kūko ukugomokela nyuma, kangi kali ukusanukila kukililo pamo kukīmāma, pamo ikyākubōmba, ukwisila mu kukuba ingangabwīte yila.

<sup>107</sup> Lilino, ababwīte, ubwīte, ikyēne kyo bwīla bwāli bwīte. Uswe tukālīngilēmo siku i Kipānga, pamo ukwisa n’Kipānga,

ukwisa ku busāle. Uswe tukufĩmbilisígwa ukusyāgānia uswe tukwisa ku ngũnda gwabwite.

<sup>108</sup> Une ngisamo siku ukuti abāndu ba mbapatége pa nyuma nukuyoba, “Nkundwe Branham, ugwe mũndu nnyāfu.” Umma, nkulumba. Une nĩsile pala ni kisĩngo mfwēle. Une ndikulōndigwa ikisingo panongwa ya ikyo. Une nĩsile ni kitili kangi ifyamungongi. Une nĩsile ukulwa, ukulwĩla inchi yiliyōsa ya mfu.

<sup>109</sup> Kyāla alinkumbula Yoshua, “Ubuyo bosa ubu ikitende kya kilundi kyako kikukanya, apo Une ngupele ugwe.” Popāpo, ifikato fyanusyaga ubwenenakyo.

<sup>110</sup> Kangi akabalilo kāko i kipānga kikufika ku buyo, ikyēne kikulekako ni fimanyisyo, kangi kikulekako ni Lisyu, kangi kikulekako ni kĩsu, une ngusanusya, polelo ikyēne kikutāga u mfu. Ikyēne kyo kunyaka kāngi.

<sup>111</sup> Iki tukufũmbwa ikilo iki bo basikali ukupoka ulufĩngo lulilōsa Lwafyakyāla ulwa i Bāngéli ili, ulu Kyāla āfĩngile ku Kipānga, ifyākufwāla-nsikala fyōsa ifya Kyāla, kangi u kwĩma. Ikyēne kyo iki uswe tukufũmbwa, abasikali; komma ukwēga i yunifomu ya kukuya kwa kufwāla, ikyēne kyo akabalilo kōsa kikĩndāne. Akabalilo kāko u nnyāmbāla . . .

<sup>112</sup> Ikisu kilikyosa, uswe tuli na batendeli ukubalanila nkisu kyosa. Uswe tuli na batendeli ba kiJeremani kuno. Uswe tuli na batendeli ba kiNgereza kuno. Uswe tuli—uswe tuli na batendeli kwisilya mu England. Ngimba fyo fiki abene bikugela ukubomba? Abene bikugela ukusyagania lo luko luki lwa findu, lulo luki ulwa kipufulilo, ikingi kili nakyo. F.B.I. ali kifuki mu kisu kilikyosa. Abene bikuketesya, ukuketa. Umo mo mumo abene bikuyila bumi. Abene bikuketesya nukuketa lo luko luki lwa kipufulilo uyungi ali nakyo. Polelo abene bikwisa pala nukutendeka ikyene kinunupo panini, pamo ukutendeka ikindukimo ikyakubotesya ikyene. Abene batikusubilana yumo nu nnine, m’fisu, panongwa yakuti ikyo kikunangisya ukuti ifisu fikusenyendeka. Fiki, England abagile ukupufula uswe mosa, mu sala yimoyene, linga uswe tubagile ukukilania injila syitu, pamo uswe tubagile ukubapufula abene mosa. Itolo kikwegela yumo ku ntu gwa kindu kumwanya kula, ukwega ikyakunwa pamo fibili, twingi fiyo, pamo ukugwila pasi ni kindukimo, kangi polelo panja ikyene kikubuka.

<sup>113</sup> Kuno pakaya patali mma, abene bayobaga, akayabo akanini aka findu, “Kitendekigwe mu Japan,” nkabalilo ka bwite. Abene bakisopelaga ikyene pa kipalo, nukusyungutila, ukuya basubiligwa. Kangi lilino ugwe kwisakuhomba untengo unywamupo panongwa ya kyene ukukinda kalikosa ugwe kula nkisu. Ngimba kyabonike kyo fiki? Ngimba kila kikuhomba ukugomosya ubumi bwa balumiana bala aba bafwile kwisilia kula? Naloli umma.

<sup>114</sup> Ngimba ikyene kyo fiki? Une ndikupasya kali ugwe kulwila mu findu fyakupalamasigwa, ugwe kukinda, ikyene kitisakusanusya ni kindu nakimokyene. Ikyene kisakusenyendeka. Loli kulilpo ukulwa kumokwene uku ugwe ubagile ukubukamo nukukaba ubuyo ubu bukabagila ukwegigwamo siku ukufuma kwa ugwe. Ako ko kogo ka Nongwainunu ya Ngangabwite ya Lisyu Iya Kyala, kangu upokile ifikungilwa ni fingo isi Umwene ikupa ku Kipanga. Naloliloli sili. Lilino, uswe tukwaga—uswe tukwaga, ukupa akogo ka ngangabwite iyi.

<sup>115</sup> Lilino, ikisu kilikyosa kikugela ukufwika abalumiana babo ni finunu ukukinda ifya kwiponesya ifi abene babagile ukuya nafyo. Lilino, une mmenye, utubalilo tumo ifyabwite ifi fikaya fipepe ukupimba.

<sup>116</sup> Une nāli nu nkundwe, “Rookie,” abene bankolelaga umwene, ikubuka panja pala, kangu abasikali bakumpa umwene ikilundu kya mapaunderi malongo mahano-na-mana pa nyuma yake. Kangu ikyo kyo kifuki bo mumo umwene ayilile ubusito. Abene bakumpa umwene ifosyolo, ukukumbila ikibwina; indusu, kangu ikubugutila kyosa ikya fyakupufulila fyammaboko. Kangu, o, une ngakibonamo siku ikilundu bo kila! U mpelakisa unnini umwini kifuki ukutoligwa ukwenda. Kangu abene balinkummwegela ukusuluka pa nsebwe ku buganje bwamamailosi-mahano. Ikyene ngati kingoge umwene. Umwene alinkuti, “Ngimba ikitoyofu iki kyafiki? Ndimba une fyo fiki ifi une ngufumbwa na iki ikinywamu ikyaiyolo ikikulumba ikitili?” Lilino, keta. Ababwite bamenye umwene ikukifumbwaga ikyene akabalilo kamo. “Ngimba une ngulonda fiki ni fyosyolo, panja pa nsebwe gwakwenda, ngwenda?” Kinunupo yaga mwisibile ukubombela ikyene. Ugwe ubagile ukukifumbwa ikyene.

<sup>117</sup> Isikali yitisakupa ikindu nakimo mpaka ugwe umenye. . . abene bamenye ugwe kuyaga pakufimbilisigwa ukubombela ikyene. Ugwe kufimbilisigwa ukumanyila pa kyene. Abene bikwaga ifindu ifinunu ukukinda ifi abene babagile ukufyaga, ukukuponesya ugwe nakyo, panongwa abene indumbula yabo yili pa kisu. Abene indumbula yabo yili pa ugwe ukuya usingigwe mbununu ukukinda mu ugwe ubagile, ukufuma ku fipolopolo. Ikyo kyo bwila mo kiyilile.

<sup>118</sup> Ikyene kyalyandile mu ngunda gwa Edeni. Kangu Kyala ikumanyisya i Kipanga Kyake. Kangu i . . .

<sup>119</sup> Ugwe umenye, uswe akabalilo kosa tukufimbilisigwa ukubomba kanunupo. Lilino, indege isyaiyolo uswe twalisibile ukubombela kunyuma mu Bwite Bwakwanda Bwakisu; u Bwite Bwakibili Bwakisu, fiki, tuli utunini utukong’ondelo mmwanya twali tosa panja, akabalilo kako abene babikile panja igi imindege iminywamu iminunu abene bali ngyo. Fiki,

isyene syali nakimo. Kangi lilino, sila sisyo abene babombile itolo mbwite ubu bwakindaga, lilino isyene simalike. Abene batikusifumbwa isyene kangi mma. Abene bali na majeti. Kangi, muketile, ugwe gwe akabalilo kosa kugela ikwinuka, ukwinuka pa kindu kya kwiponesya.

<sup>120</sup> Loli ugwe umwene fiki? Kyala atikulondigwa ukwinukako. Kyala abapele abana Bake, ababwite Bake, ikindu ikinunu ukukinda kilakila iki kyabagile ukupigwa ku bene. Akabalilo kako Umwene ikupa ku bene, ngimba fyo fiki ifi Umwene abapele abēne? Umwene apele abēne Ilisyu Lyake ku ngunda gwa Edeni, kangi u mundu abagile ukwisinga mwene kunyuma ku Lisyu Iya Kyala, kangi nu mohesi nayumo abagile ukummwaga umwene. Syala mu Lisyu.

<sup>121</sup> Lilino, untendeli ndugu, Setano, agelile ukusyagania iki abagile ukubomba ukubongotolela nkati mula. Popapo umwene—amenye umwene itolo akabagile ukwisa panja nukusyoba umwene, popapo ikindu kyene iki umwene abagile ukubomba ko kummwegela umwene pa bwinogonelo. Kangi ikyo kyo Kyala ikukubombela umwīsyūgu, ukuponesya Ikipanga Kyake, Iyo Lisyu Lyake. Kangi Setano ikwisa na maka ga bwinogonelo. Setano amenye yila yali yo fwasi. Bula bwali bo buyo ubu abandu babagile ukubongotola kipepe ukukinda, bwali ku bwinogonelo.

<sup>122</sup> Ugwe kuyoba, “Lilino, unko une itolo nīnogonéle na ugwe. Lilino ngimba ikyene kyākulōndígwa?”

<sup>123</sup> Linga Kyāla āyobile ikyēne kyāli kyākulōndígwa, ikyēne kyo kyākulōndígwa, kali uswe tukufimbilisigwa ukukūta, kangi ukukoloma, nukubōmba kyōka *iki*. Linga Kyāla āyobile ukuti u lōsyo Iwa Mbepo Mwīkémō lukulōndígwa, une ndikupāsyā kali Ikyēne kisito bulebule, kangi bu bwīngi buki bwa kīsu ugwe kufimbilisigwāga ukuleka, ugwe kuyaga pakufimbilisigwa ukukibōmbéla Ikyēne, limo mwa masiku aga, ukwitūgàla mūmi. Injila yēne yakuyīla mūmi.

<sup>124</sup> “Lilino, ngimba uswe tukufimbilisigwa ukubōmba ububūmbulusyo Lwafyākyāla, napāpo uswe tuli nabo abagānga abanunu ukukīnda nkīsu?”

<sup>125</sup> Kyāla ākupéle ugwe ububūmbulusyo Lwafwakyāla ’nongwa yakuti Umwēne amenye ukuti ugwe kufimbilisigwa ukubōmbéla ubwēne. Umwēne ākupéle ugwe ifikūngīlwa fya Mbepo.

<sup>126</sup> Kangi bo nakalinga bo Sētāno āfikile ukusyūngutīla Eva, umwēne alinkwānda ukwinogonéla nu mwēne. Lilino, “Naloliloli, naloliloli, Kyala akabagila ukubomba *ikyo*.”

<sup>127</sup> Abāndu bikuyoba umwīsyūgu, “Kukayako ikindu nakimo bo gehena.” Bīngi ba abēne bikukubūla ugwe ikyo. Muketile? “O, naloliloli Kyāla akabagila ukōkya abana Bāke.”

128 Nalölilöli, Umwëne atikökya abâna Bâke. Löli u mōhësi isakökya, abâke. Guli mwâna gwa ywâni ugwe? Ikyo kîndu iki kikukōnga. Gehena âpelígwe kuli u mōhësi na bâna bâke, komma a bâna ba Kyâla. Komma na yumoywëne isakubükáko kula. Uko ko kutalusya. Ikyëne kikwégéla ukuti ugwe gwe mwâna gwa ywâni.

129 Lilino, Kyâla âpele Eva na Adamu i Lisyu Lyâke, kangî Umwëne akândulámo siku Ilyëne. Umwëne akabalilo kōsa âli . . . U Nkristi, pamo u mwītiki, u Bwiponesye bwâke lyo Lisyu.

130 Kumwanya na pâsi fisakumalika. Ikimanyisyo kilikyōsa kisakumalika. Ikipānga-kipāgúke kilikyōsa kisakutologwa. Ikiyo kilikyosa kisakumulwa. Löli i Lisyu lya Kyâla lisakwîma, Bwilanabwila. Pisakuyapo akabalilo pâpo u lutondwa lwakulubūnju lutisakumulika kangî mma. Pisakuyapo akabalilo kâko ilisuba litisakumulika, kangî umwësi gutisakumulika mma, kangî ikisu kitisakusyungutila mu busyungutile bwâke mma.

131 Löli i Lisyu lya Kyâla kwabwilanabwila lisakusyâla mulamula. Ena. Ikyo kyo kindukimo iki kikabagila ukugutígwa, ikindukimo iki ugwe ubagîle ukusūbilápo. Ilyëne lyo lisisimikisyi. Kyala ikuyoba kilikyosa, ikyene kyo kisisimikisígwe ukuboneka.

132 Linga Umwëne âyobîle, mu ngunda gwa Edeni, panongwa ya Ntabuli, Umwëne âbagîle ukutuma u Mesiya, ikyëne kyâli kisisimikisígwe ukwîsa. Palema nalinga ifyinja maelifu mana abëne bâgūlile, löli Umwene âfikile pala. Umwene afimbilisigwaga ukwisa panongwa yakuti ikyene kyaali Lisyu ilifingígwe lya Kyala.

133 Kyala âfingile ukuntuma Umwëne ukugomokela kangî. Umwene isakuyaga apa. Une ndikupâsya bo balinga abasitakyâla na bîlâmwe bikufyûka, kilikyōsa iki abëne bikubōmba, bo bwīngi buki ikikomyunisti kikubâlanila, Yeso Kristi isakwîsa, kangî isakwêga i Kipānga iki kyo kisukīgweni-Lilopa, kangî isakwêga Ikyëne pa butoge-bwa-mmwanya ukubûka ku Mwânya. Fiki? Ikyëne kyo kisisimikisígwe ukuya. I Lisyu lya Kyâla lyâyobîle lûlo.

134 “Linga ugwe ubagîle ukwitika, ifîndu fyosa fibagîle.” Ikyo kyo kisisimikisígwe. Kyâla âyobîle lûlo, kangî ikyëne kikabagila ukusema, kikabagila ukusenyendígwa nukusosígwápo. Kyâla âyobîle lûlo, linga ugwe kwisa itolo ukusyâla nakyo ikyene (Lilino . . .) kangî yaga nu lwitiko mwa ikyene, itikaga ikyene.

135 Akëne kakaya kōgo akasitakusisimikisígwa. Kyâla akabagila ukupa a kōgo akasitakusisimikisígwa. Ifimanyisyo fibagîle ukupa a kōgo akasitakusisimikisígwa. Ifipānga-fipāgúke fobagîle ukulūmbilila a kōgo akasitakusisimikisígwa. Löli Kyâla akabagila ukuyoba a kōgo akasitakusisimikisígwa. Kangî i Lisyu ili lyo Kyâla. Kangî ubwëne bukayapo

ubusitabusisimikisígwe ukufwana ni Lyēne. Ilyēne lyo akapatu kalikōsa lisisimikisígwe.

<sup>136</sup> Lilino, i Kipānga ikikulumba kifwīkígw’ifilwīlo ni Lisyu. Lilino, akabalilo kako Yeso ikwisa, ngimba Umwene ābōmbīle ikilwīlo kilakila? Umwene naloliloli ābōmbīle.

<sup>137</sup> Akabalilo kako Sētāno isile ku Mwēne, mu maka gake gōsa, kangi umwēne alinkuti, “Linga ugwe gwe Mwanundumiana gwa Kyāla, bōmba *ikyākuti*, *ikyākuti* ikīndu.”

<sup>138</sup> Umwene ātile, “Ukwene kusīmbígwe. . .” Ukugomokela kulakula ku Lisyu. Sētāno ālingelile Umwēne pamwanyapo panini. Lōli, Yeso, kulakula ukugomokela ni Lisyu, “Ukwēne kusīmbígwe. . .”

<sup>139</sup> Pala Umwēne āsyēle, pa Lisyu lila, ukunāngisya kwa uswe ikyākwegelēla. Mūmo Umwēne āyobīle mu Bakorinti Gwakwanda, ikyākwānda. . . Yohani Mwikemo 14:13, “Une mbapēle umwe ikyākwegelēla.” Kangi ikyo kyo kyākwegelēla, iki uswe tubagīle nubusisimikisyo, uswe tukufimbilisígwa ukubīka ulusūbilo lwītu mu Lisyu lya Kyāla. Unko kilikyosa ickingi kiyēge busyōbi. [Ubuyo busitakandu pa tepi—Nsimbi]

<sup>140</sup> Ikīndu kimokyēne kila iki kyo kisimikisye. Kyāla ātēndīke ulufīngo. Kyāla ikuyaga pakukyūnga u lufīngo. Abēne bikuyōba, “Ngimba kibagīle bulebule ikīndu *iki* ukuboneka? Ngimba abagīle bulebule Umwēne ukwēga ikibugutula kya bāndu palikimo, ni lipyāna lya Kunyakiligwa, ukubūka mmwanya?” Une ngamanya mūmo Umwēne isakubōmbēla ikyēne. Iyēne yikaya mbombo yāngu ukulālúsyā mūmo Umwēne ikubōmba ikyēne. Iyēne yo mbombo yāngu itolo ukuya mwītendekésye ku kyēne. Umwēne āfīngīle ikyēne. Ikyēne kisakuboneka. Āsyūngutīle i Kipānga Kyāke ni Lisyu.

<sup>141</sup> Kangi ikīndu kyākwānda kyāli bwīnogonelo. Lilino abēne bikuyoba, “Ngimba ikyēne kikaya itolo kyakwinogonelígwa lilino, linga une ngwingila ikipānga *iki*, ngimba ikyēne kikaya itolo kinunu bo ikipānga *kila*?”

<sup>142</sup> Kilipo kyēne i Kipānga kimokyēne ugwe ubagīle ukuyako mwenekaya. Ugwe utisakwīngilāmo Ikyēne siku. Ugwe ubagīle ukwīlūngisya ku bugonelo, bugonelo bwa Methodisti, kangī bugonelo bwa Presbeteri, kangī bugonelo bwa Baptisti, kangī bugonelo bwa Pentekosti. Loli ugwe upāpīgwe mu Kipānga kya Yeso Kristi, popāpo pala kilipo i Kipānga.

<sup>143</sup> Ifyo fyo fyakugonelāmo, kūko abāndu bikwīsa palikimo, ngati bākihōbe bitūgésye pa lusāmba *ulu*, kangī ingungubiya pa lusāmba *ulu*, kangī—kangī fyōsa bo ifyo. Ubo bo bulilanisi bwīnu umwe mukuya nabo palikimo, akabalilo kāko umwe mukuyabana pa bulīlo bumobwēne bulabula.

144 Lōli akabalilo kâko ikyêne kikwîsa ku Kipānga kya Yeso Kristi, gulipo unsebwe gumogwêne itolo. Ubo bo Bupāpígwe. Bupāpígwe!

145 Ikyêne kili itolo ngati u mündu, mūmo une njobīle utubalilo twīngi, ngati i njuni indītu yitūgēsye pa lusamba, yikugela ukubīka amayoya ga ngukundembo mmapiko gāke, nukuyoba, “Umwe muketile, une ne ngukundembo yakwitufya.” Muketile? Umwēne āsomikēmo amayoya gala, mwēne. Linga umwēne āli ngukundēmo iyanalōlilōli, ikipeligwa kyāke āngāli kikubīkígwa pānja uluko lūla lwa mayoya.

146 Linga i Kipānga kya Kyāla gwābūmi kyo Kipānga kya Kyāla gwābūmi, Ikyêne kisakutwāla pānja i Lisyu lya Kyāla gwābūmi. Ugwe utikufīmbilisígwa ukongelelako a mayoya ga ngukundēmo napamo palipōsa. Kangi iliyoya lililyōsa nkati mula lisakulūngisígwa ku ngukundēmo. Ugwe ubagile ukwītīka ikyo. Kangi iliyoya lililyōsa ili lilūngisígwe nkati Nkipānga kya Kyāla lisakuyaga Lisyu lya Kyāla. Umwene atisakwīngisyāmo siku ikindu kilikyosa ikīngi loli i Lisyu. Ameni. Panongwa yakuti, ubupeligwa bwa Mbepo bukūsōsya pānja lyēne li Lisyu. Ameni. Une ngufikapo ukwīpilika ubwīpūti. Kutalusya.

147 Komma nakimo ugwe kugela ukubōmba, nakimo ugwe kutēndēka. Ugwe ukabagīla ukutēndēka ubwīpi-...Ugwe ukabagīla ukutēndēka ubupoki. Ugwe ukabagīla ukutendeka ifikūngīlwa. Ugwe kufīmbilisígwa ukupāpa ifikūngilwa. Nalōlilōli. Muketile? I—i ng’osi yitukubōmba, umwēne atikutēndēka ulusyōya. Umwēne ali nalo u lusyoya panongwa yakuti umwēne yo ng’osi. Umwēne itolo ikupāpa ulusyōya. I—i—i kipiki kya litūnda kitikutēndēka ilitūnda mma. Ikyêne itolo kikupāpa ilitūnda, panongwa yakuti ubūmi bwa ikyēne bo buli njila yila.

148 Kangi i Kipānga kya Kyāla gwābūmi atikwīngisya Iki, ukugela ukubapela abēne ukuboneka ngati kindukimo. Abēne batalile bali iki abēne bali, ukwisila mu lipyāna lya Kyāla. Kangi i Lisyu lya Kyāla lilūngisēnie na bēne, kangi abēne balungisēnie ni Lisyu. Kangi i mbombo iyi yāt wālígwe pānja na yula umpelelesye yula, Yeso Kristi, Kyāla abonekīle mu mbili sisakwīt wāla syēne ukwisila mwa mwītīki aligwēsa umpāpígwe-kabubili. Umwene ayobile lūlo. Ameni. Nakimo ikingi. Lilino, ikyo kyo kindukimo ikisisimikisi.

149 Lilino, ikyēne kikuyaga panīni—panīni kyakufuluganika ku nnyāmbāla yumo, linga umwēne akāmenyēmo siku akōgo kanalōli ka ngangabwīte. Lilino, u nnyāmbāla uyū akamanyisigwāmo siku ku ngangabwīte yila, kangī akayipilikāmo siku iyēne, mulimōsa, umwēne abāgīle ukuya panīni gwakufuluganika akabalilo kâko umwēne ikupilika ikindukimo kikupa akōgo akakindāne ukufuma ku iki umwēne



apilike. Umwēne akabalilo kōsa apilike, “Ingila i kipānga. Ega kalata gwāko kubwa *kuno* kangi kubwa *kuno*.” Ifyo fibagile ukuya losa finunu. Ikyo kyo kyosa umwene amenye.

<sup>150</sup> Lōli polelo akabalilo kāko ugwe kubūka ukugomokela, isya lōsyo lwa Mbepo Mwikēmo, ukuyoba isya maka ga Kyāla kangi ifindu ifi Umwēne ikubōmba; kangi mūmo ikyene kikupela abanyambala na bakikulu, bōsa, ukwīsuka bēne mōsa ukufuma ku būmi bwa butulwanongwa; mūmo ikyēne kikubapela abēne ukwēnda nubunyakyāla, nubwānaloli-ndumbula. Kangi i findu ifi ikyēne kikubōmba, kangi kikutwāla pānja u lōsyo, ukuyobela mu ndimi, ukubūmbulunya ababine, ukukāgila pānja imisyētāno, ukusolola, ifikūngilwa, o, imboniboni, kilikyōsa mu Kipānga. Haleluya! Uko ko kutalusya. Akabalilo kāko ikyēne kikubuka, polelo ikyēne kyo kili panīni kyakufuluganika ku bēne aba bakapilikāmo siku uluko lula lwa ngangabwīte.

<sup>151</sup> “Mulimōsa,” ugwe kuyoba, “ikipānga kyāngu kitikumanyisya ikyo.” Polelo ikyēne kitikukuba i ngangabwīte ya Nongwainunu. Lwimiko! Kutalusya.

<sup>152</sup> Lōli ku bala ababwīte abamanyisigwa, haleluya, akabalilo kāko abēne bikupilika ngangabwīte yila yikukuba, abēne bamenye akīmilo ndubātiko. Nkyēni, bābwīte Bakikristi! Lwimiko! O, ikyo kyo kisisimikisi!

“Ngimba ugwe umenye bulebule ukuti ikyo kyo kisisimikisi?”

Ikyene kili pa Lisyu.

“Mulimōsa,” ugwe kuyoba, “ikipānga kyītu kitikumanyisya Ikyo.”

<sup>153</sup> Lōli ngangabwīte yikukuba Ikyēne. Une ndikulōnda ukumanyisigwa ku kimanyisyo kya kipānga, nongwa yakuti ikyēne kisakusenyendeka nukugwa. Loli linga ugwe gwāfundigwe ku Lisyu, kumwanya na pasi fisakumalikaga, kangi i Lisyu ili litisakumalikāmo siku. Ikimanyisyo kilikyōsa, kilikyōsa ikingi, kisakugwa. Lōli i Lisyu ili litisakutoligwāmo siku. Amen. Ako ko kōgo. Ako ko kōgo une ngulōnda ukupilika. Ena, nkulumba.

“O,” ugwe kuyoba, “ngimba une ngumanyaga bulebule?”

<sup>154</sup> Yeso aatile, “Ing’osi Syangu simenye akōgo Kāngu. Isyene simenye ngangabwīte Yāngu.” Umwēne alinkuti, mwa Mwikemo Yohani, untu gwa 14 kangi ilinandi lya 12, “Umwene uyu ikwitika mwa Une, imbombo isi Une ngubomba isakubombaga yope.” Lilino, Umwene āyobile ikyo.

Linga umundu ikuti, “Mulimōsa?”

<sup>155</sup> Bahiburi 13:8 āyobile, “Yeso Kristi yo yuyo mmayolo, umusyugu, na bwilanabwila.”

“O,” abene bikuyoba, “mu njila yimo.”

<sup>156</sup> Lilino, ing'osi yanalōLi yisakuyoba, “Uu-o. O, ikindukimo kyālilile, nkati mula. Ikyo kitikupilikigwa kitalusye. O, ulo lubagile ukuya lupēmbe lwa kiFrenchi. Iyo yikāli yo ngangabwīte, 'nongwa yakuti i Bāngéli likupa akōgo aka kakaya kasitakusisimikisigwa.”

<sup>157</sup> Ilyene likuyoba, “Umwe mwisakwambilila Mbepo Mwikemo.” Komma, “Umwe mubagile.” “Umwe mwisa, aligwesa.” Bo butali buki? “Ku bāna bīnu, kangi ku bāna ba bāna, kangi bāla bābo balikubutali fiyo, kangi na bubwingi bwa babo Untwa K̄yala gwitu isakubakolelaga.” Umwēne isakukuba ingangabwīte mu luko lulilōsa kangi mu ngulilo yiliyōsa, kangi abēne bisakupilika i Lisyu Lyāke. Abēne bisakwītika Ilyēne, bala bābo basayigwile ku Būmi. Amenī. Abēne bisakwītika Ilyēne panongwa yakuti abēne bikumanya Ikyēne kyo kōgo ka Nongwainunu kakakuba. Akēne kakaya kasitakusisimikisigwa. Ugwabwīte aligwēsa amenye akīmīlo.

<sup>158</sup> Lilino, umwe mumbwēne Peteri, na Yohani, Yakōbo, kangi ikipānga ikyakwānda, kikukuya nkyēni mu njila iyi, panongwa yakuti ingangabwīte, Yeso, āyobile, “Buka umwe nkisu kyosa, ukulumbilila i Nongwainunu.” Mariko 16, keta, “Ifika ifi fisakukongaga abene aba bikwitika.” Uswe tukukēta Peteri, Yākōbo, Yohani, abangi ba bēne bikugolosya, bikukuya ku Kila.

<sup>159</sup> Kangi uswe tukusyūmbutuka injila iyīngi, ukusōkāko ku Kēne? Yumo ukubūka nkyēni, uyūngi ikubūka kunyuma? Yumo ikuyoba, “Mulimōsa, ikyo kyāli kuli iyīngi. Ako, ako—ako akōgo, kāli kuli iyīngi.” O, umma. Akēne kakabagila ukuya ako.

<sup>160</sup> Ababwīte bōsa ba Kikristi bikupilika ingangabwīte. Kyāla āyobile yila yāli yo ngangabwīte yila. Umwēne akabagila ukwāndula iyēne. Ako ko kōgo aka Umwēne āyobile ukuti kisakukubilāga. “Iki abanyāmbāla bōsa bisakumanyaga,” kangi ukusōkāpo kikubūka i Kipānga.

<sup>161</sup> Bamo mwa bēne batikwītika mu Kwīsa Kwāke ukwanalōlilōli. I Bāngéli lyāyobile Umwe isakwīsa, popāpo uswe tukulōndēsya ku Bwīsilo Bwāke. Linga Umwene akaya apa ikilo iki, uswe tukukētaga ndubunju. Linga Umwēne akaya apa ndubunju, uswe tukukētaga kilabo nkilo ku Mwēne. Kangi uswe twisakūmilisya ukulōndēsya. Linga uswe tukugona utulo, ifyītu—ifyītu. . . uswe tukilāmbika paitolo mma. “Kabuno ingangabwīte ya Kyāla yisakukuba ingangabwīte ya bumalikisyo yila, kangi abafwe mwa Kristi bisakusyūka. Kangi uswe twe tuli būmi kangi tukusyāla twisakunyakiligwa mmwanya palikimo na bēne, ukwakwāgāna nu Ntwa mu mbepo, kangi bwilanabwila twisakuyaga kula.” Ako ko kōgo ka ngangabwīte. Kali une nguya mūmi pamo kali une ngīndile, kitikupela ubukīndāne bulibōsa. Une nisakupilika akōgo. Une ngwisa kusumukaga. Lwimiko kwa Kyala! Syūka. Oko, ena. Ena.

162 Yeso ātile, ukuti, “Ing’osi Syāngu sikupilika i lisyu Lyāngu.” Umwēne ali Lisyu litēdekígwe ukwibonesya. Akabalilo kako i . . . Umo mo mūmo i ng’osi Syāke sikumanya Umwene.

163 Lilino keta aba Farisai kangu mu lisiku lila. “O,” abene balinkuti, “Unnyāmbala uyu yo Bezebabu.” Akabalilo kākō Umwēne ālimbūlile unkīkūlu yula pa kisiba, kūko, isya mbībi syāke, abalume bāke umwēne āli nabo, akabalilo kākō Umwēne ālimbūlile Natanieli kūko umwēne āliko, pāsi pa mpiki kūko Filipu ālimbilikile umwēne, pānja pāsi pa mpiki gwa mafilu, ukwīpūta, fiki, abamanyisi bala aba lisiku lila balinkuti, “Unnyāmbāla Uyu yo Bezebabu. Umwēne yo mōhēsi. Umwēne yo ndagusi.”

164 Lōli ikyo kikāli lūlo na Peteri, Yākóbo, na Yohani, abāngi ba bala. Abēne bākimenye ikyēne. Fiki? Abēne bāmenye ukuti Kyāla āyobile ukuti akabalilo kākō u Mesiya isakwīsāga, pāsi pa lisyu ilipakígwe ilya Mōse, Umwene isakuyaga nsololi. Kangu akabalilo kākō abēne bakētīle ifindu fila ifi Umwēne āyobile fikubonesígwa nukupeligwa fipelelesye, abēne bāmenye kila kyāli kyākūlya kya ng’osi. Abene bamenye yila yāli ngangabwite yila. Kangu abene balinkuyikōngēsya iyēne. “I ng’osi Syāngu simenye akēne,” ’nongwa yakuti abēne balibwēne i Lisyu lya Kyāla likubonesígwa.

165 Lilino, abāndu umwīsyūgu, abēne batikwītika kiliko ikindu kimo bo u lōsyo lwa Mbepo Mwīkēmo. Satukaga nkati muno pamo kubuyo bumo kūko abēne bali nagwe Mbepo Mwīkēmo, kangu abēne bikulubōna ulufīngo lwa Kyāla lukufwanikisígwa itolo katikati, fiki, “I ng’osi Syāngu sikupilika ilisyu Lyāngu.” Isyēne simēnye akōgo ka ngangabwite yila panongwa yakuti akēne ko i Bāngēli. “Yeso Kristi yo yuyo mmayolo, umwisyugu, na bwilanabwila.” Umwene akāli yo Bahiburi 13:8, katikati.

166 Une ndikupāsya, lilino, ikyēne kitikupēla nakapatu kamo aka bukīndāne syo mbēme silinga isya fipānga sikupūta. Uswe tuli ni filūndīko fya mbembe syākukubakuba sya fipānga, umwe mumenye, sikukuba ukusyūngutīla kilikyōsa, sikuyoba, “O, amasiku ga fika gakīndīle. Kukayako na kīndu nakimo bo bubūmbulusyo Bwamwakyāla.”

167 O, ing’osi yānalōli sitikupilikila ikyo. Lōli isyēne sikupilikisya ku ngangabwite, yila iyakōngelēla.

168 Lula ulupembe lwa kipānga lubagīle ukukuba kalikōsa. Ugwe ubagīle . . . Kēta iki ikyēne kili nakyo umwīsyūgu, imbēme sya fipānga. Yumo ikubopela injila *iyi*, kangu yumo ikubopela injila *yila*. Kangu u mōhēsi itūgēsye kunyuma, ikuyoba, “Ndumiana, abēne bikulwāna yumo nu nnīne. Ikyo kyo kyōsa. Une ndikufīmbilisígwa mma nukusemesya ikiboko kyāngu.”

169 Lōli, nkundwe, unko abēne bōsa bīse mu ngōngi akabalilo kamokēne, ukugomokela ku ndagīlo isyapamwanya. O, mwe!

Polelo ugwe kuyaga pakumbona u “nkyēni, babwīte Bakikristi,” kutalusya, komma ukupilikisya ku mbēme, lōli ukupilikisya ku ngangabwīte.

<sup>170</sup> Unko uswe itolo twīme, itolo ku miniti yimo, nukugomokela nukukēta ku banāndi bamo lilino. Uswe tukwītēndekēsya ukwīgāla, ’nongwa yakuti une ndikulōnda ukubakyūnga umwe apa akabalilo katali. Lōli unko uswe tugomokele nukukēta ku bāmo aba bāpilike akōgo aka. Unko uswe twēge. . . Kangi abēne bāli basisimikīsye. Lilino, une mbanāngīsye umwe filifyōsa ifīngi fyo fisitakusisimikisīgwa. Unko uswe itolo twēge abakine abaiyolo, ku kabalilo.

<sup>171</sup> Unko uswe twēge unsololi Yobu. Lilino, unnyāmbala yula ākīndilēmo mu lugelo, loli umwēne āmenye ukuti Kyāla alalusyaga ilikemo lya kōkya. Ikyo kyo iki Kyāla alōndaga, kangi ikyo kyo kyēne Umwēne ālōndāga. Kangi kikāli ni mbombo bo butolwe bwīngi buki bwābonīke ku kāya kāke. . . Kyāla atikubōmba bwīla. . .

<sup>172</sup> Akabalilo kāko ugwe kukēta ikindukimo kikubūka mbusobi ku mwīnitu yumo, ikyo kitikusanusya ukuti umwēne ikulupulīgwa na Kyāla. Ikyēne kikabagīla ukuti umwēne ali pānja pa bwīgāne bwa Kyāla. Umwēne amēnye mu ndūmbūla yāke kali umwēne ikupilika ku ngangabwīte pamo mma.

<sup>173</sup> Kyala alalusyaga ilikemo lyākókya ili, kangi Yobu alinkwima palapala pa lyene. Ikyo kyo kyosa. Abēne balinkuti, “Yobu, ugwe gwe ntulanongwa gwambutītu. Ugwe kubōmba ikindukimo iki kisobi.” Lōli umwēne āmenye kinunupo. Umwēne ālimile palapala pala, panongwa yakuti umwēne āpilike a masyu ga ngangabwīte, kangi umwēne ālimile palapala pala ni kyēne.

<sup>174</sup> Kangi, kubumalikisyo, itolo kulakula ukusuluka ku bumalikisyo, akabalilo kako umwene āli. . . U mōhēsi ālyābulīgwe pa mwēne, kangi ālyēgīle ikikolo kyāke, nukwēga abāna bāke, ālyēgīle ingamila syāke, nukwēga ubukabi bwāke bōsa, nukukonyolēla pāsi ubukafu bwāke bwēne. Umwēne itūgasyāga pa kilūdiko kya līto. Kyāboneka ngati kilikyōsa kyākīndīle. Lōli umwēne pōpe ātīle, “Une mmēnye u Ntabuli gwāngu mūmi. Kulisiku lya bumalikisyo Umwēne isakwīmāga pa kīsu. Palema nalinga ifwīngīli syankipapa sikōnānga umbili gwāngu, pōpe mu mbili gwāngu une nisakunkēta Kyāla.” Nakimo ikisitakusisimikisīgwa ukufwana na ikyo, bule kyālipo? Komma, “Une—une—une—une mu luko lumo ngwīnogōna Umwēne mūmi.” Umwēne alinkuti, “Une mmēnye Umwēne mūmi, kangi Umwēne isakwīma pisiku lya bumalikisyo pa kīsu. Palema nalinga infwīngīli syankipapa sikōnānga umbili gwāngu, pōpi mu nyōfu gwāngu une nisakumbōna Kyāla.” O, mwe! Ikyēne kyābonīke. Umwēne āli nsisisimikisye fīyo.

<sup>175</sup> Abraham, ali pānja ikwendendeka ilisiku limo, alinkumpilika Kyāla ikuyoba, “Abraham, Une nguyaga. . .”

Umwēne ālyāgéne na Abraham bo likāli i Lisyu ilisimbígwe, kangi Umwēne alinkuti, “Abraham, Une nguyaga pakukupa ugwe umwanundumiana ukwisila mu nkasigo, Sarah.” Kangi umwene āli fyinja malongo ntandatu-na-fihano mbukusi akabalilo kala, kangi Abraham āli malongo mahano-na-mabili-na-fihano. Kangi abēne balinkwītēndekesya kuli kyēne, kangi umwēne akāli ni soni ukufumusya. Umwēne āmenye ayaga pakuya nayo u mwānundumiana yula.

<sup>176</sup> Kangi i Bāngéli lyāyobile, “Umwēne akāpepelwikémo mma ku lufingo lwa Kyāla ukwisila mu busitakwītika, lōli umwēne āpepekígwe lōsa.” Ameni. Āpepekígwe lōsa, ikyo kikusanusya umwēne ālyāgéne na kifwasyāle. Ameni. Ikyo kyo kyēne. I kifwasyāle kyo bumalikisyo bwa nsebwe. Ikyēne kyo kīndu kyabumalikisyo. Ikyēne kyo—ikyēne kyo kyōsa kya ikyēne.

Umwēne āyobile, “Une nsongigwe mosa ukuti, iki Kyala āfingile, Kyala abagile ukubōmba.”

<sup>177</sup> Ngimba ugwe, ikilo iki, ngimba ugwe usōngígwe lōsa ukuti uyu yo Mbepo Mwikémo? Ngimba ugwe usōngígwe lōsa, iyi yo njila? Ngimba ugwe usōngígwe lōsa, Umwēne yo Mbumbulúsyi? Ngimba ugwe usōngígwe lōsa ukuti Umwēne ikwīsa kangi? Ngimba ugwe usōngígwe lōsa Umwēne yo yuyo mmayolo, umwisyugu, na bwilanabwila? Ameni. Nsongigwe mosa! Ena.

<sup>178</sup> Unko uswe tupimbe uyūngi, Eliya, imile pamwanya pala pa kyāmba. Umwēne āfumile pakūmana na Yezebeli ni kisyo kyāke ikipakígwe ni lāngi, kangi umwēne āli ndukolumo isaga pakukatala isya ikyēne. Kifuki abakīkulu bōsa bikwēgeléla pa nkasi gwa mwalafyāle, lumo ukutumula inywili kwa nywili sifwanega mīsi ga mutu na kilikyōsa abēne bāli nakyo mu lisiku lila. Umwēne ākēmīle ikyēne fiyo mpaka ikyēne—ikyēne kifuki kyayaga pakumwēgela umwēne pāsi.

<sup>179</sup> Nukutalula, Kyāla āyobile ku mwēne, “Būka pāsi pala. Ugwe umēnye, ukwēne kukutima ifula kifuki masiku mabili pamo matatu pa ndungu, ukusyūngutīla kuno. Loli ugwe gwime kwa Ahabu, nukumbula umwēne, ‘ISI SYO IKUTI UNTWA. Indungwa yitisakugwa ukufuma ku mwanya mpaka une nguyibilikila iyēne.’” O, mwe!

<sup>180</sup> Umwēne akāyobile, “Lilino, Ahabu, pamo, lumo ikyēne kibagile ukubōmbéla mu njila iyi.” O, umma. Umwēne āsōngígwe lōsa, nakimo ikisitakusisimikisígwa. “Indungwa yitisakugwa, ifula yitisakwīsa, mpaka une nguyibilikila iyēne.” Ameni. Lwimiko! O, fiki? Umwene āpilike i ngangabwite. Iyēne yāli nsisimikisígwe. Umwēne āmenye Kyāla gwāke. Umwene āmenye ikindukimo kyābagile, akabalilo kāko Kyāla āyobile i Lisyu lila, kōsa kumwanya na pāsi fyābāgile ukumalika mpaka ikyene—ikyene kyābonike, ikyēne kyāfimbilisígwāga ukuboneka. Umwēne āsōngígwe lōsa.

<sup>181</sup> Lilino, Umwēne āyobile, “Eliya, Une ngulōnda ugwe ukubūka pamwanya pala mbuyo ubūmāno fiyo nkisu, ukwākufika pamwanya pa kyāmba kūko sikayako inyībūko nasimo. Lōli une ndinayo yimo pamwanya pala iyāko.”

<sup>182</sup> Umwēne āsōngīgwe lōsa. Umwēne alinkufyūka pamwanya pa kyāmba nukwītūgāsya pāsi pa lubafu lwa kisōko Keriti. “Kangi lilino ngimba kyo fiki iki une ngwisakubombaga pamwanya apa?”

“Une ndalile ngilāgile imikungulu ukukuswīla ugwe.”

<sup>183</sup> “Lilino, ngimba bulubule abakihobe bala. . . Lilino, gūlila panandi, Ntwa?” Umma, umma. Ingangabwite yākubile. Iyo yo yifwēne. “Ngimba ikyēne kikubonekāga bulebule? Une ngamanya. Une ndikupāsya. Muketile? Ikyēne kikaya kwa une ukupāsya isya ikyo. Iyo yo mbombo ya Kyāla. Umwēne āyobile Umwēne alāgile abakihobe.”

<sup>184</sup> “Mulimōsa, Ntwa, ngimba ugwe ubagile ukukilīngānia ikyēne kwa une, nukumbūla une itolo kūko bala. . .yo sukulu nki abakihobe bala bābūkileko kula, ukumanyila ukuyoba i Kihiburi? Lo luko luki lwa. . .Ngimba abēne bikupīya pa bupīyilo bwa mbelo, pamo ngimba abēne bali nu moto gwa mbābu, pamo ngimba abēne bikubōmba bulebule? Kangi ngimba ko kūgu abēne bisa. . .Ngimba lo luko luki lwa kinyamana abēne bisakugoga? Abēne bo itolo njuni innīni. Ngimba abēne bikugogaga bulebule inyama kuli une, ukundwālila une unkati gwānyāma?” Muketile? Muketile? Līla likāli lyo lilālūsyo mma.

<sup>185</sup> Kyāla, i—i ngangabwīte ya Kyāla, a Masyu Gāke gakubile pānja nukuyoba, “Une ndinafyo!” (Komma, “Eliya, Une lumo mbagile ukubōmba ikyēne.”) “Une mbōmbile ikyēne.” (“Une nisakubōmba ikyēne.”) “Une ndalile mbōmbile ikyēne.” Ameni.

<sup>186</sup> Uyo yo Kyāla gwitu, ikilo iki. Komma, “Umwene isakubombaga ikyene.” Umwene atalile abombile ikyene. Ameni. Umwene abombile ikyene. Ameni. Komma, “Umwēne isakubōmba; Umwēne lumo; pāmo Umwēne isakubōmba.” Umwēne atalile abōmbile ikyēne. “Une mbalagile abakihobe.”

<sup>187</sup> Umwēne ātwēle u Mbepo Gwāke ku bāndu bōsa. Umwēne ātwēle isayo Syāke. Umwēne āfyūkile pa Mwānya, nukupa ifikūngilwa ku bāndu. Umundu yumo isakupilikisyāga ikyēne. Umundu yumo isakukupika ikyēne. Iyēne yikaya mbōmbo yāngu mūmo ikyēne kikwīsila. Ikyēne kyo itolo mūmo ikyēne kikufikīla kula. Kyāla āyobile ikyēne kikuyāga lūla, kangi ikyēne kyāli lūla. Peteri alinkuti, pa Lisiku lya Pentekosti, “Pinduka, alīgweša gwa umwe, kangi mōsigwēge mu Ngamu ya Yeso Kristi ku bufyūle bwa mbībi syīnu, kangu umwe mwisakwāmbilila ikikūngilwa, u Mbepo Mwīkémō.” Ngimba Ikyene kikwisaga bulebule? Une ngamanya. “U—u lufingo luli ku bāna bīnu, ku bēne aba bali kubutali fiyo, bōpe ba bīngi mūmo u Ntwa Kyāla

gwĭtu isakubilikilága.” Lilino, ugwe ukābagile ukukilīngānia kila ukukisōsyāpo. Ingangabwĭte yibōmbile yikubĭgwe, kangi une ngwĭtika iyēne. Une nākipilikile ikyēne, kangi nkipilikĭsyē ikyēne. Ameni. Lilino gela ukukātikana na une ukusōka pa kyēne kamokēne. Ameni. O, une ngaya mpelelesye. Umma.

<sup>188</sup> Ngati ikilo kila, u nkāngāle ukalumbu gwakitĭtu, umwēne āyobile, “Nkulumba, ngimba une mbagile ukupa ubuketi?”

“Ena, māma.”

<sup>189</sup> Umwēne alinkuti, “Une ngulōnda ukuyoba iki ikindu kimokyēne.” Umwēne alinkuti, “Une—une—une ngaya iki une ngulōnda ukuya mma.” Kangi umwēne alinkuti, “Une ngaya iki une ngulōndĭgwa ukuya. Lōli, kilipo ikindu kimokyēne iki une mmenye, une ngaya iki une nālisibile ukuya.”

<sup>190</sup> Popapo, umo, mumo uswe tukwipilikila isya ikyene lilino. Une ngaya iki une nalisibile ukuya, panongwa yakuti une mbokigwe ikilo iki, ukwisila mu lipyana lya Kyala, kangi nambilile Mbepo Mwikemo, ukufuma pa butumigwe. Umwene alyoneleligwe panja pala pa Lisiku lya Pentekosti, ulufingo ulupegigwe, kangi une ngwitika ulwene. Nakimo ikisitakusisimikisigwa. Une mbilike akōgo. Une nāpilikile akēne, kangi une nsisimikĭsyē ikyo kyo iki ikyēne kili. Nalōlilōli. Une mmenye ikyēne kili. Nalōli.

<sup>191</sup> Simiyoni, unkangale unkulumba kifuki fyinja malongo lwele mbukusi, abamia ba fyinja ukufuma papo balipo nukuyapo abasololi pa kisu, loli ikusyungutila nu bufumuke ubukulumba. U Mbepo Mwikemo aayobile ku mwene ilisiku limo, alinkuti, “Simiyoni, ugwe umenye, ugwe utisakufwa mpaka ugwe kuketa ubupoki bwa Ntwa.” Lwimiko!

<sup>192</sup> Lumo u mputi unkulumba, ikupalamasya indefu syake kanandipo, kangi alinkuyoba, “Simiyoni, ugwe ubagile ukupesa indefu syako ulubafu ulungi.”

Umwene alinkuti, “Ikyo kitikutendeka nakandu nakamo akakīndāne.”

“Ngimba ugwe umenye bulebule ukuti ugwe kotalusya?”

“U Mbepo Mwikemo alimbulile une lulo. Une ndisakufwa mma.”

<sup>193</sup> “Fiki, Simiyoni, fiki, ugwe guli . . . Fiki, ugwe gwitendekisye ukufwa lululu ulu.”

<sup>194</sup> “O, une ndikupasya iki ugwe kuyoba. Loli Kyala ambulile une ukuti une ndisakuketa ubufwe mpaka une ngete ubupoki Bwake. Nakimo ikisitakusisimikisigwe. Une ndisakufwa mma. Une ngabagila ukuketa ubufwe mpaka une nunkete Umwene.” Ameni. Ikyo kyo kyene.

“Ngimba ugwe kubombaga bulebule ikyene, Simiyoni?”

“Une, iyo yikaya mbombo yangu mma.”

“Ngimba ali kugu Umwene, Simiyoni?”

“Une ngamanya.”

“Ngimba ugwe umenye bulebule ugwe kunketaga Umwene?”

195 “Kyala ayobile mumo. Ikyo kyo kyene. Ilyo lyo Lisyu. Une ndisakuketa ubufwe mma mpaka une nguketa Umwene.” O, mwe!

196 “O, umwinitu umpelakisa unkangale. Ena, umwene asyutilemo untu, umwe mumenye. Popapo ndeke itolo pamwene.”

197 Loli umwene alinketile Umwene, mulimosa. Ena, nkulumba. Kyala ikupela injila ku bandu bala babo bisakwega i Lisyu Lyake.

198 Yeso, akabalilo kako Umwene aali apa pa kisu, kangi Umwene aalimile pala ku lipumba lya Lazaro.

199 Pamo, bo kikali kila, akabalilo kako Umwene ali mbuyobesano na—na bandu, isyakuyoba mumo Umwene, palema nalinga kisita kuya ni fyiya malongo mahano mbukusi, kangi alinkuyoba ukuti Umwene aketile Abraham. Umwe ketesya mumo Umwene ayilile nsimikisi? Umwene ayobile, “Bo Abrahamu akaali, UNE YONE. UNE YONE.” Komma, “Une naali,” pamo, “Une nguyaga,” loli, “UNE YONE. Une nsisimikisye.”

200 Polelo, Umwēne alinkuyoba, ku lipumba lya Lazaro, bo Umwēne akāli ukubūka ukusuluka kula, Umwēne alinkuyoba, alinkumbula Marita, Umwene alinkuti, “Une ne busyuko, u Bumi.” Komma, “Une mbagile ukuya,” pamo “Une nguyaga,” loli, “Une yone.” Amen.

201 “Nkundwe gwāngu, linga Ugwe gwālipo apa, angali akafwa mma. Loli pope lilino, Gwentwa, kilikyosa iki Ugwe kunsuma Kyala, Kyala isakukupaga ikylene kwa Ugwe.”

Umwēne alinkuti, “U nkundwe gwāko isakusyūka kāngi.”

202 “O, umwēne isakusyūka mmasiku ga bumalikisyo, ku busyuke ubukulumba. Umwēne āli ndumiana nnūnu. Ena, une ngwītika umwēne isakusyūka.”

203 Loli Yeso alinkwigolola Mwēne panandi, mwēne, mmwanya, nukuti, “Loli une ne busyuko nu Bumi.” Komma, “Une nisakuya; Une mbagile ukuya,” pamo fyosa bo ifyo. “UNE YONE.” Kikayapo nakimo pala, kikayapo nakimo ikyakupepeluka, ukusenyenda ukufwana na kila. Nakimo ikisitakisisimikisigwe. Ikyēne kyāli kisisimikisye.

204 “Une ne busyuko nu Bumi. Umwene uyu ikwitika mwa Une, palema nalinga umwēne āfwile, pope isakuyaga mumi umwene. Aligwesa uyu ikuyamumi nu kwitika mwa Une atisakufwamo siku.” Komma—komma, “Abene lumo batisa. Abene lumo batisa



umma.” “Abēne batisa. Nakimo—nakimo ikisitakisisimikisigwe isya icyēne. Abēne batisakufwa mma.”

205 “Umwene uyu ikupilika a Masyu Gāngu kangi nukwītika pa Umwēne yūyo ālindumile Une ali nu Bumi ubusitakumalika, kangi atisakwisamo mma mu Bulongi, loli akilenie ukufuma ku bufwe ukubuka ku Bumi.”

206 “Abene batikufimbilisigwa ukwisa ku Bulongi?” Abene batisa kwisa ku Bulongi. Ameni. Umwēne ālyēgile u Bulōngi bwāngu. Ngaya ni mbombo nayimo pala. Ameni. Mwaketa lelo umwe. “Akilenie ukufuma ku bufwe ukubuka ku Būmi.” O!

207 Lilino umwene aayobile umwene aalitike icyene. Lilino, Yeso akāyobilēmo siku, “Mulimosa, ugwe umenye, ukuti ugwe gwe kwitika ikyo, kangi ugwe umenye ukuti une ne Lisyu, kangi—kangi Une—Une... Umwe mumenye ukuti Une ne Umwēne uyu ābagile ukwisa. Ugwe ulātile ikyo. Une ngwitika icyēne. Une nisakukubūlāga ugwe iki uswe tubagile ukubōmba. Unko uswe tubēge abakulumba palikimo, nukusuluka pāsi nukukēta linga uswe tubagile ukubōmba kalikōsa ka icyēne.” Umma, umma. Umwēne alinkuti, “Une nisa...” Komma, “nsuluke pāsi nu *kukēta* linga une mbagile ukunsiyusa umwēne.” “Une ngubūka ngasumusye umwēne.” Ameni. Komma, “Une ngwisa—Une ngwisa kugela.” “Une ngwisa.” Nakimo ikisitakisisikikisigwe. Kala kakāli kōgo akasitakusisimikisigwe, akabalilo kāko Umwēne āyobile, “Une ngwisa. Une ngwisa.”

208 Kangi Yumoywene yulayula alinkuti, “Une ngwisa,” ātēndike ulufingo. Aleluya! O, mwe! Ameni.

“Une ngubukaga nukusumusya umwēne.”

209 Kangi Umwene alinkuti, “Bongotola i tempeli iyi, kangi Une nguketaga iki Une mbagile ukubomba pa kyene”? “Umwe bongotola i tempeli iyi, kangi Une nisakusumusya iyēne mmwanya kāngi mmasiku matatu.” Nakimo ikisitakusisimikisigwa. “Lilino Une nisakugela. Umwe mwēsa mubagile ukwīma ukusyūngutīla nukukēta linga Une mbagile ukubōmba icyēne pamo mma”? Aa, umma. “Une nisakusumusya iyēne mmwānya.” Nakimo ikisitakusisimikisigwa. “Une nisakusumusya iyēne mmwanya. Umwe—umwe bongotola iyēne; Une nisakuyisumusya iyēne mmwanya.” O, mwe!

210 Fiki? Umwene āmenye ukuti Umwene āli Mundu yula, mu Lisimbo, ili Davidi āyobile. “Une ndisakuleka u moyo Gwake mu gehena, somma Une ukwitikisya u Mwikemo Gwangu Yula ukuketa ububole.” Kangi Umwēne āménye Umwēne ālyōngeligwēmo mu lufingo Lwamasimbo lula, popāpo polelo Umwēne āli nsisimikisye.

211 Lilino, ngimba tukabagila ukuya basisimikisye bo lula? Uswe tukummwēga umwēne, ukwēgeléla, kuli ifindu ifingi.

Akabalilo kōsa i Lisyu lya Kyāla lyāyobile icyēne, ngimba uswe tukabagila ukuya basisimikisye ukufwana ni Lisyu bo mūmo Umwēne ābōmbīle icyēne?

212 “Une ne busyuko nu Bumi.” “Une ngwisakusumusyaga iyene mmwanya kangī.” Ameni. Fiki? Umwēne āmenye i Lisyu lyāyobile isya icyēne, kangī Umwēne āli nsisimikisyi ukwīsa pala.

213 Linga une ne mundu kula mula mwa Yohani 5:24, “Umwene uyu ikupilika i Lisyu Lyangu kangī nukummwitika Umwēne uyu ālindumile Une, ali nu Būmi ubusitakumalika, kangī Une nisakusyūsyā umwēne mmwanya kāngī ku masiku gabumalikisyo. Umwene atisakwisamo mu Bulongi; akilēnie ukufuma pa bufwe ukubūka ku Bumi.” Ikyo kyo—ikyo kyo uswe. Kangī ngimba kyo fiki uswe tukutīla? Ngimba kitamisyē kyo fiki?

214 Ngimba bo bukīndāne buki icyēne kikupela kyo kyakufwāla kiliku ugwe kufwāla? Ugwe kwībilikila gwīmwēne *iki, kila*, pamo *ikingi*. Uswe twe bana ba Kyāla, ukwisila mu lipyāna lya Kyāla. Uswe tusōndīgwe na Mbepo Mwikēmo, ukwisila mu lipyana lya Kyāla. Ko kukindananki uko icyene kikupela ukuti kali yumoywene *uyu* yo *kila* pamo *kila*, linga umwene yo Presbeteri, Methodisti, Baptisti, Baptisti? Linga umwēne ikwisusigwa na Mbepo Mwikemo, umwēne ali nabo u Būmi babusyūkilo mwa umwēne. Ameni. Ena. Lilino, pa lisiku lya Pentekosti . . .

215 Yeso ababulile abene, mwa Luka 24:49, “Keta, Une ngutuma u lufīngo.” Komma, “Une mbagile ukubomba icyene. Une ngukētāga ifi une mbagile ukubomba pa kyene.” “Une ngutumāga u lufingo lwa Tata Gwangu pa umwe. Lōli buka pamwanya pala ku kāya ka Yerusalemu kangī gūlila mpaka umwēne mufwīkigwe na maka.”

216 Lilino, bule linga abēne bāgūlilāga mula, nukuyoba, o, amasiku mahano na limo, abēne bikuyoba, “Ngimba uswe tukugūlila fiki? Une ngwitika uswe tubagile ukwinogona icyene nu lwitiko. Ngimba umwe mutikwinogona lūlo?”

217 Bule linga Yākobo, āyobile, pa—pa lisiku lya lwele na limo, ukuti, “Simoni, isa kuno i miniti. Ugwe umenye, ilisiku ilingī une nāli nduko lwa kuya nukwīpilika ukuhēsya. Uketile? Kangī ugwe umenye iki une ngwitika? Une—une—une ngwītika Umwene itolo atikulonda uswe ukugūlila papapa apa. Une ngusūbila uswe tuli—uswe tutalile tuli nakyo icyēne. Ngimba ugwe utikwīnogóna lūlo? Unko uswe tulikīndililāga ni mbombo yītu. Unko uswe tukīndilile nu butumigwe bwītu?” O, icyēne āngāli kikabonekamo siku.

218 Fiki? Abēne bamenye ukuti unsololi āyobile. Lilino pilikisya. Unsololi āyobile, “Ulukomelēsyo luyege pa lukomelēsyo, ulukīndi luyege pa lukīndi, pa lukīndi; apa panīni kangī pala

panīni.” “Umilisyā fiyo ku kila iki kyo kinunu.” “Namanga ni milomo gyakitabu ni ndimi isingi Une nisakuyoba ku bāndu aba. Kangi ubu bo butusyo, i sabati.” Abēne bāmēnye ikindukimo kyāfimbilisigwāga ukuboneka pa buyo akabalilo kāko Ikyēne kikwīsa.

<sup>219</sup> “Une ngubukaga ukonelela pānja u Mbepo Gwangu mu lisiku lyabumalikisyo.” Yoeli 2:28, “Ukwēne kwisakubonekaga mmasiku ga bumalikisyo, ikuti Kyāla, Une nisakonelelāga u Mbepo Gwāngu pa nyofu guligōsa, kangī abana bīnu abalumiana na balindwāna bisakusololāga. Pa bāmbombo bāngu abalīndwana na balumiana Une nisakōnelelāga u Mbepo Gwāngu, mu lisiku lila. Une nisakunāngisyāga ifimanyilo mmwanya pamwanya kangī—kangī nkisu pāsī, kangī u moto, kangī i lyōsī, kangī u mūyi.”

<sup>220</sup> Abēne bāmēnye ukuti pala pabagile ukuyapo ikyakwēndelāmo kimo ukwisa palikimo nu kwīsa kwa Mbepo Mwīkēmo. Abēne bākēgāga akōgo kalikōsa akasitakusisimikisīgwa. Lōli akabalilo kāko abēne balipilike kila ikindukimo kikwēnda, nukukēta ubuketi bwa i Bāngēli bukwēnda ni kyēne, abēne bakāli basitakusisimikisya. Palapala mu ngindi abēne balinkubūka. Nhobokela une. O, mwe! Abēne basisimikīsyē ukuti ikyēne kyaali Mbepo Mwīkēmo.

<sup>221</sup> Umwe mumenye mumo abene bāli basisimikisye? Mpaka, Peteri, yula unnini umwīnitu unsitakumanyila, alinkunyēlēla pala pa kisīnga pamo i bokosi, pamo pabuyobumo, alinkuti, “Umwe banyāmbāla ba Yudai,” akapāmbāga akanīni kasōkīle pānja bo ka mukōlwe ka matīngo. Umwēne alinkuti, “Umwe banyāmbāla ba Yudai, umwe mwe mukwitūgala ku Yerusalemu! Une nābatīlāga umwe, pitāsipo; une ndikutīla mma, lilino. Unko iki kimanyigwēge kwa umwe, kangī pilikisya ku masyu gāngu. Aba bakaya bagāle mūmo umwe mukwīnogonēla ikyēne kili. Lōli iki *kyo* Kila.” “Uswe *tukusubila* iki kyo Kila”? “Uswe *tukwitika* iki kyo Kila”? Umwēne alinkuti, “Iki *kyo* Kila iki kyāyobīgwe nu nsololi Yoeli.” Haleluya! Nakimo ikisitakusisimikisīgwa ukufwana ni kyēne. “Iki *kyo* Kila iki kyāyobīgwe nu nsololi Yoeli.” O, mwe!

<sup>222</sup> Yeso āyobīle, mwa Mariko 16, ātumīle i Kipānga Kyāke, “Būka umwe nkīsu kyōsa, lūmbilila i Nongwainunu.” “Ifimanyilo ifi lumo fibagile uku; ifyēne fisa, mwa apo na apo, lumo”? “Ifyēne fisakukōnga bala bābo bikwītīka. Ifika ifi fisakukongaga abene aba bikwitika. Mu Ngamu Yāngu abēne bisakusosyaga imisetano. Abēne bisakuyobaga mu ndimi imbya. Linga abēne bikupimba imiyoka pamo ukunwa ikindu ikyakufwanakyo, ikyēne kitisa kubafulasyaga abēne. Linga bikwala amaboko gabo pa babine, abēne bisakubumbulukaga.” Komma, “Lumo.” “Ifyēne fisakuyaga. Ifika ifi fisakukongaga abēne aba bikwitika.”

223 Unko une nongānie icyēne mōsa, mu kuyoba iki, nkūndwe, kalumbu, ku maminiti amanīni aga gikwīsa. Une ngwītika icyēne. Une ngwītika ukuti kilikyōsa ikingi, kalikōsa aka kakukīndana na Kila, kakaya katalusye. Une ngwītika, kilikyōsa iki kyo kikulwāna na Kila kisakugwīla pāsi. Une ngwītika, une ndikupāsyā kali fyo filinga ifikomyusti, pamo fyo filinga ifimanyisyo *ifi* kangī ifimanyisyo *fila*, kangī ubwakipānga kangī ni kiRoma, na fyōsa ifingi, Ubwamerika na filifyōsa ifingi fisakugwīla pāsi.

224 Lōli i Lisyu lila lisakwīma Kwasyēpwa, panongwa yakuti Ilyēne lyo Lisyu limo. Kangī bo icyēne kikāli i Lisyu limo, icyēne kibagīle ukuya linogono limo. Kangī ilisyu lyo linogono liyobigwe. Kāngi Kyāla, mwa Syēpwa, icyēne kyālisile mu linogono Lyāke. Umwēne āyobile aminogōno Gāke. Ilyene lilinkuya Lisyu, kangī i Lisyu likufīmbilisigwa ukubonekela pabwelu.

225 Fyōbéne, akabalilo kāko Umwēne āyobile isya Mesiya, pala pafīmbilisigwaga ukwisapo u Mesiya. Umwēne āyobile ukuti pisakuya ngapo i Kipānga mmasiku gabumalikisyo, kisita kasolo pamo inginya pa kyēne; pisakuyapo i Kipānga pala. Haleluya! Umwene āyobile icyene. Une ngwegaga i Lisyu Lyāke. Une ngwitika icyēne.

226 Une ngwītika ukuti Umwēne āfingile u Mbepo Mwikemo kwa aligwēsa umwītiki uyu isakwītikāga. Une ngwītika u Peteri, pa Lisiku lya Pentekosti, akabalilo kāko umwēne ālumbilile ubulūmbilile bwapamwanya bula, kangī ābabūlile abēne bōsa ukupīndūka nukōsigwa, ukuti ifimanyilo ifi fyābagīle ukwīsa, kangī *iki*. “Aligwēsa yūyo ākōlile pa Ngamu ya Ntwa ayaga pakubokigwa.” Une ngwītika ubo bo Bwānalōli; ālimile pa bwēne. Une nkibwēne icyēne kibonikile pabwelu.

227 Une mmenye ngulwīla ubwīte ku kyēne. Kangī une mmenye une ngugela ukutēndēka ilikato lya kilūndi. Bo une ngāli ukutēndēka ilikato lya kilūndi, une ngufīmbilisigwa ukutumula kyābukēge ikitabanie kilikyōsa, imifya, kilikyōsa ikīngi, ukukisōsyapo icyēne pa njila. Lōli akabalilo kōsa ugwe kutēndēka ilikato, ugwe kusegelēla nkyēni. Amenī. Ega itolo ummāge kangī tumula icyēnr.

228 Mwe bīngi ba umwe mukukūmbikīla Paul Rader, umwīnangu umpala fiyo. Une nāli itolo ndumiana ndumbilili, mwanike. Une nālisibile ukubūka ukufyūkila ku Fort Wayne, ukwakumpilika umwēne, ku Rediger Tabernacle. Umwīnitu unkulumba unywāmu! Umwēne āfikāga kubutali kunyuma, ukufyūsya isulubali yāke, ukufyūsya ikiboko kyāke nukukoloma bo kīndingo, kangī une nīnogonāga umwēne ayaga pakunyēla ukukīnda pa kigemo. Akabalilo kāko umwēne. . . Kangī umwēne āndāga nu busīmbe, ena, mu Bwāndīlo, nukumalikisya mu

Busetuli, mōsa ukugomokelamo nukubūka. Paul āli nalōli nnyāmbála yumo.

229 Tukyoyoba ilisiku limo, umwēne alinkuti, “Une nālisibile ukuya mpimba-fisīnga ukufyūkila kula mu Oregon,” kūko umwēne āfumilāga. Alinkuti, “Ilisiku limo, ugwe umenye,” umwēne alinkuti, “Une—une nāli itolo migūnda gya butumīgwe, kubutali kula kubuyobumo.” Une ngwibwa lilino kuko ukwēne kwali kūgu. Kangi umwene ābombāga imbombo ya butumīgwe.

230 Umwene itikāga mwa Kyala, itikāga ububumbulusyo Bwakyala. Kangi Paul āyobile, papapa apa pāpo ikipānga kyakisu kikwīma mwīsyūgu, umwēne alinkuti, “Linga une nābagile ukūlisya indumi yāngu iya ipyāna ku Bapentekosti abapyu-nu-bukesefu, mbuyo bwa kubōmba iki une mbōmbile apa na umwe kibugutila,” alinkuti, “nukwītēndēka nīmwēne ukupāsya, ukubilikigwa ku buyo bumo na maelifu ukubāsania na maelifu ga madola mukumelēligwa. Une mbāsīsyē nīmwēne mpaka une ndinkuya na kansa, kangi ngufwa lilino. Linga une nābagile ukūlisya indumi yāngu ya ipyāna ku baPentekosti abakesefu-bapyu, Kyāla āngāli ansayīle une mbwīngi panongwa ya ikyēne.” Kutalusya.

231 Umwēne alinkuti umwēne āli pāsi pala mu—mu matēngele, kangi umwēne alinkuya ni sekema ya mīsimatītu pamo ikindukimo. Ikyēne kyāli kibībi. Kangi umwēne āli kubutali kunyuma mmatēngēle, kangi umwītiki unkafu gwa bubūmbulusyo Bwakyāla. Kangi umwēne alinkuti umwēne ālinkuya mbinepo kangi mbinepo. Umwēne alinkwīpūta, alinkwīpūta. Kangi bamo ba batumigwe balinkuti abēne bayaga itolo ukwēga ubwāto nukwakummwēga ungānga. Fiki, ukwene kwābagile ukwegela abēne amasiku ukummwaga u ngānga. Kangi umwene alinkuti, “Une—une. . . Komma ukubomba ikyo umma. Itolo kileka ikyēne pakyene.” Alinkuti, “Linga Kyāla atikumbumbulusya une, polelo une ngwīsa ku Kāya.”

232 Popapo umwene alinkuyoba ku nkasi gwake uyu asyele nkyumba nu mwene. Ukwene kulinkumilisyā ukuya kwangisiko kangi kwangisiko. Kangi alinkuti umwene alinkumbilikila unkasi gwake, alinkuti, “Lūki, ngola une pa kiboko kyangu.” Alinkuti, “Itolo umilisyaga ukunyiputila une. Ukwene kukwisa ukuya kwangisi lilino.” Alinkuti, “Une—une ngusubila imisyungulu gikugwila ukusyungutila une.” Umwene alinkuti, “Ngola. . . Ngola itolo ikiboko kyangu kangi iputa, akabalilo kako une ngusokapo.” Umwene alinkwikasya mwene, ukwakwagana na Kyala.

233 Umwene itolo mu luko alinkugwila mu njosi. Kangi umwene alinkuti umwene agogwaga ukuti umwene agomokile ukukilania kula mu Oregon kangi, ngati nnyambala unkeke, ukutumula amatapwa. Kangi alinkuti u bwana gwa bugonelo bula alinkuti,

“Paul, buka pamwanya apa pa lubafu lumu ulwa kamba, kangu agwisiseye umpiki gumo, ugwabunywamu bumo.”

<sup>234</sup> Umwene alinkuti umwene alinkubopa pamwanya pa kamba kala na malundi gake agabutubwa, kangu alinkukoma umpiki gula pasi, nukupalata ugwene mosa, nukungimisa indwanga pasi. Umwene alinkuti mumo u paini untofu yula, iyake imbyasye, inywamu, indwanga imbyasye-kabili yabukile mwa paini yula kanunu fiyo. Kangu alinkuti umwene alinkukikola ikyene, alinkwinogona, “Mulimosa, une nukipimbage ikyene ukusuluka pa kamba.”

<sup>235</sup> Unnunu, unnyambala ugwamaka, alinkuti, “Une nalisibile ukumanyila akabikilo ka mafundo gangu palikimo, nukupimba mmwanya ni nyuma yangu, ikiyabo ikinywamu ukukinda ikya nnyambala.” Iminyofu gyake gyali mu nyuma yake ni fibega, kunyuma kwa filundi fyake. Alinkuti, “Une nabagile ukupimba ikisinga ikinywamu,” ukukilambalika ikyene pa kibega kyake, nukwenda ukusokapo. Loli alinkuti, “Kila kyali itolo kisinga ikyabwila, loli,” alinkuti, “Une itolo. . .” [Nkundwe Branham ikutika ikyakuyobelapo—Nsimbi] (Une nhobokelaga.) Alinkuti, “Une itolo napanandi ndinkutoligwa ukukiguta ikisinga kila.” (Une nhobokelaga.)

<sup>236</sup> Umwene alinkuti, “Une itolo napanandi ndikutoligwa ukukiguta ikisinga kila.” Umwene alinkuti, “Une ndinkusukulika, kangu une ndinkusukulika kangu une ndinkugela ukukupimba ikyene mmwanya, kangu une itolo ndinkutoligwa ukubomba ikyene.” Umwene alinkuti, “Une ndinkusosya mmafuke amaka gangu gosa ukufuma mwa une.” Umwene alinkuti, “Une itolo ndinkutoligwa ukukiguta ikisinga kila.” Kangu alinkuti, “Kubumalikisyo, une ndinkuya monywa fiyo, une itolo ndikwitugasya ukwigemesya u mpiki gula kangu ndinkwanda ukusyumula amafuke. Une nali itolo mosa nakatele losa.”

<sup>237</sup> Kangu alinkuti, “Ukukindapo akabalilo, une ndinkupilika ilisyu lya bwana gwangu.” Loli alinkuti, “Ilyene lyali lisyu ilinyafu ukukinda ili une mbilikemo siku.” Kangu alinkuti, “Akabalilo kako une ndinkusanuka, ilisyu lila lilinkyoba kwa une, ‘Paul.’ Kangu une ndinkuti, ‘Ena, bwana, ngimba ikyene kyo fiki?’ Alinkuti, ‘Ngimba ugwe kukwabila ikyene panongwa ya fiki?’” Umwene alinkuti, “‘Mulimosa, ugwe gwalindagile une ukukitwala ikyene pasi ku bugonelo bula, kangu une itolo nikatesye nimwene losa, ni kyene. Une itolo—une itolo ngabagila ukubomba ikyene, bwana.’ Umwene alinkuti, ‘Paul, ngimba ugwe utikukibona ikisoko kila ikya misi gikwenda palapala *pala*?’ Alinkuti, ‘Ena.’ Alinkuti, ‘Akasoko kala kakwisa itolo pasi pa bugonelo bula. Nongwa ya fiki ugwe utikusopa itolo ikyene mmisi, nyela pa kyene nukwitoga ukukindilila pasi ku bugonelo?’ Alinkuti, ‘Une ngalinogwinemo siku isya ikyo.’”

238 Popapo umwene alinkukibungulusya ikyene kula mmisi, alinkuyela pamwanya pa kyene, alinkuti, “O, mwe!” Umwene alinkwanda ukunyafila amisi, nukunyela, nukuywega, pamwanya pa lisyu lyake, bo umwene ukukilania injefwela sila, kangi pasi ukukinda amisi gala, kilikyosa, itogile pa kisinga iki, ukubuka pasi, ikulata, “Une nitogile pa kyene! Nitogile pa kyene!”

239 Umwene alinkuti, ikindu kyakwanda, umwene alinkwisa ku mwene, umwēne ali itolo panja pakatikati pa kipālo, nunkasi gwāke ikuywēga nu mwēne. Umwēne ākōlelāga, “Une nitogile pa kyēne! Une nitogile pa kyēne! Une nitogile pa kyēne!” Bakundwe!

Ifisu fikubongotoka, Israeli ikusumuka,  
Ifika ifi i Bāngéli lyāyobile-ngāni;  
Amasiku ga Bapānja manini, ni mbūsānio  
gikutolwa;  
“Gomokela, O mwebabalanile, ku kyīnu  
mwībēne.”

240 I Ndumi iyi iya Lisyu lya Kyāla yo Bwānalōli. Ndi mūmi pamo ngufwa, une nītogile pa Yēne. Une ndiku... Une ndikutatikana ni Yēne. Une ndikugela ukutātikāna isya Iyēne. Une ne itolo nēgile Iyēne, kangi une nītogile pa Yēne. Unko abalōndesya-busobi bafyūke. Une nisakutusulila indusu yiliyōsa. Une ngwīsa ku bugonelo, limolyēne mwa masiku aga, nītogile pa Lisyu lya Kyāla. Ameni. Une ndinsisimikisiyi ukufika kula.

Unko uswe twipute.

241 Nongwa ya fiki ugwe kusukulikāga nu nsigo gwāko ugwa butulwanongwa? Nongwa ya fiki ugwe kuyaga nkayīlo ugwe ulimo, utikumanya pāpo ugwe gwīmīle, kubopa ukufuma ku kipānga ukubūka ku kipānga, kangi ukufuma ku buyo ukubūka ku buyo? Nongwa ya fiki ugwe utikukisopa ikyēne nkati, pa kipīngīka, ikilo iki, nukwītōga pa Lisyu? Nongwa ya fiki ugwe utikwēga itolo u lufīngo lwa Kyāla ikilo iki nukwītōga pala ukufuma ku finyanyasi, pala panja ukubūka mu bluu unywāme, kubwīgufu ngati lūla? Komma ukulwāna ni Kyēne. Komma ukupāsya ni Kyēne. Itolo itika Ikyēne, itikisya Ikyēne. Ikyēne kyo Kitāngalāla iki kikabagila ukusemesigwa. Itōga pa Kyēne.

242 Linga ugwe uli mbine ikilo iki, ega u lufīngo lwa Kyala, “Une ne Ntwa ne ngubumbulusya imbungo syako syosa.”

243 “Ngimba une nguyaga kanunu bulebule, Nkundwe Branham? Ungānga ikuti une ndi nu lutamio lwa ndūmbūla, une ndi na kansa, une ndi na *iki, kila*,” kilikyosa iki ikyēne kili, “Une ne gwamapuli, gwakinunu. Une ne mfwamaso,” kilikyosa. Ngimba bo bukindane buki kila kikapela? Itolo itikisya u lufīngo lwa Kyāla kangi itoga pa kyēne.

244 Unko uswe twêge ingili ingulumba inywâmu, nukuyêndesya iyêne pâsi apa, nukusimba pamwanya pa yêne, “U lwîpûto lwa lwîtiko lwîputîgwe ikilo iki; une nguyaga pakwîtôga pa kyêne. I Bângeli lyâyobile, ‘U lwîpûto lwa lwîtiko lwîsakupoka ababine, kangî Kyala isakunfyûsya umwêne mmwanya. Linga umwêne abômbile ubutulwanongwa, ubwêne bwîsakuswêgwa ku mwêne.’ Une nîtogile pa kyêne. Une ngwîtika ikyêne.”

245 Linga ugwe ubômbile ubusobi, linga ugwe uli mbubêto ikilo iki, “Umwêne yûyo ikufisa ubutulwanongwa bwâke atisakusakukaba. Lôli umwêne yûyo isakulâta ubutulwanongwa bwâke isakuyaga ni kisa.” Nongwa ya fiki utikulâta ubwêne?

“Ena, ngimba une mbombe kiliku, Nkundwe Branham?”

246 Lâta ikyêne, kangî polelo itoga pa kyêne. Kyâla âyobile lûlo. Ikyêne kisakukwêgela kulakula ukusôkâko ku butulwanongwa.

247 Ngimba u mundu yula ali apa ikilo iki, uyu akabîkâmo siku u lusûbilo lwâbo mwa Kyâla ku bupoki bwa moyo gwâbo, kangî ugwe kulônda ukukumbukiligwa mu lwîpûto bo uswe tukwîgâla? Ngimba ubagile itolo ukufyusya ikiboko kyako, yoba, “Nyîputilaga une, Nkundwe Branham. Une ngulonda ukutâga ifyakupâsya fyângu.” Kyâla akusaye ugwe. Kyâla akusaye ugwe. “Une ngulonda ukutâga...” Kyâla akusaye ugwe, mâma. “Une ngulonda ukutâga ifyâkupâsya fyângu.” Kyâla akusaye ugwe, nkundwe. Kyâla akusaye ugwe kunyuma kula, nkulumba. Kyâla akusaye ugwe, nkikulu nkeke. Fyosa filikanunu. Uko ko kutalusya. Kyâla akusaya ugwe. “Une ngulônda ukutâga ifyâkupâsya fyângu pa Mwêne nukwîtôga itolo pa lufîngo Lwâke lilino. Une ngwîtika ukuti Umwêne âfîngile, ‘Umwene uyu isakwîsâga kwa Une, Une mu njila nayimo ndisakuntagamo umwene pânja.”

248 “Komma mûmo une ngwîpilikila, ‘Une nâliputiligwe ikilo iki kyâkindâga, Nkundwe Branham; une ndikwîpilika kanunupo mma.’” Kila kikaya nakyô ni kindu na kimokyêne ikyakubômba ni kyêne. Une ndikwîtôga pa bwîpilike bwângu mma. Une ngwîtôga pa Lisyu Lyâke. Ulwêne lo lufîngo Lwâke.

249 “Nkundwe Branham, une mbukileko ku kigemo, kana pamo kahano, ukugela ukwâmbilila u Mbepo Mwikemo. Une ngayamo nagwe siku Umwêne.”

250 Ikyo kitikusanusya ni kindu nakimokyêne. Itolo syala palapala pa kisînga, ikyêne kikutwâlâga kulakula ukutalula pâsi ku bugonelo, mu bugonelo bwa Kipânda, mu bugonelo bwa bikémo. Ugwe kufikâga kula. Itolo syâla pamwanya pa kisînga, kangî lâta kangî ywêga indufyo sya Kyâla itolo nubukafu na mûmo ugwe ubagilile. Iyo yo njila ya kubômbêla ikyêne.

251 Akabalilo kâko uswe twînamîsye imitu gyîtu, ngimba ugwe nalôli kulônda ukwîtôga pa kyêne? Polelo, akându akanini kala aka kakunyegésya ku ndumbula, ngimba ugwe ubagile ukulônda ukwîsa kuno nukwîmba pankyêni pa kigemo i miniti



nukwitikisya uswe tukwīpūtīle nukubīka amaboko pa ugwe? Uswe tukuyaga basangalufu ukuti ugwe kwīsága.

<sup>252</sup> Unko uswe twēge kala akanini akandukamo aka kabīkīgwe ukusyungutila indūmbula yako ikilo iki, kangi yoba “Ugwe umenye, ugwe gwe nsobi. Lilino fyusya ikiboko kyako.” Umma ndaga.

<sup>253</sup> Ugwe gwanyēlile pa kisīnga, i kisīnga kya lufīngo Lwāke; u mpiki, i kipīngīka iki kyātumulīgwe pāsi. Bika ingongi syīnu ukusyungutila ikipīngīka iki lilino. Enda kulakula pamwanya apa nukuti, “Lilino une nguyapakwītōga pa kyēne. Lululu lilino une nguyaga pakwītīka ikyēne. Une nguyaga pakwītīkisya ikyēne. Une ngwītīka ikyēne. Une ndisakwāndulāmo siku. Une nguyaga pakusyāla papapa ni Lisyu lila, mpaka kimo kila kisisimikisīgwe. Kangi polelo ukufuma pa kimo kila kisisimikisīgwe, une nguyaga pakufikila kulakula ukukilania nukufika ku kīngi kimo, nukwānda ukwītōga palapala nkyēne.” Muketile?

<sup>254</sup> Kangi lisyu pa lisyu, likato pa likato, ugwe kwisakupoka kilikyōsa iki Kyāla āfīngīle kwa ugwe. “Kabuno ifīndu fyōsa fibagīle,” ku mwēne yūyo isakwītōga pa kyēne. Itōga pa lufīngo Lwāke, namanga ikyēne kyo kisisimikisye ukukutwāla ugwe ku bugonelo. Ikyēne kisakukutwāla ugwe ku Buyepo bwa Kyāla.

<sup>255</sup> Ngimba ugwe kwīsága lilino akabalilo kako uswe twinamisye imitu gyitu pasi? Nukusuma aligwēsa uyu abagīle ukulōnda ukwīma ku kigemo, itolo pa kabalilo ka lwīputo.

<sup>256</sup> “Une nītogile pa kyēne, Ntwa. Ntwa, une ngwītīka. Isyakwīlāmwa syāngu syōsa sisyīlīgwe mu nyībūko. Ntwa, une ngwisaga. Une ngwitika ikyēne. Une ngunyēlēla papapa pa Lisyu ikilo iki, kangi une nguyaga pakwītīka ikyēne ni ndumbula yangu yosa. Une ngukwega Ugwe ku Ilisyu Lyako.”

<sup>257</sup> Unkīkūlu gwītu umpala ikwīma apa ku kigemo, uku—uku sisimikisya kwa Kyāla ukuti umwēne amenye ifi akubōmba. Ngimba ugwe utikwīsága, bābo bāli ni mitu gwīnu ginamisīgwe, kangi amaboko gīnu gafyūsīgwe, kangi mukulōnda ukukumbukilīgwa mu lwīpūto? Ngimba umwe mubagile itolo ukwisa kuno? Kyala akusaye ugwe. Isaga itolo pamwanya. Apo po loli. Isaga itolo pamwanya kangi ima apa. Yōba, “Une nguyaga pakwītōga pa ikyēne. Kyāla, Ugwe gwāfīngīle ulufīngo, ikindukimo kyākung’usīsye ku ndūmbula yāngu, kangi une ngwīsa lululu ulu ukwītōga pa kila. Kangi une nguyaga pakusyāla palapala pa kyēne mpaka ikyēne kikūndwala une kulakula ku bugonelo. Une ngwīsa kulakula ukusuluka ku bugonelo bwa bīkēmo ba Gwapamwanya Unkīnde.” Kyāla akusaye ugwe. Ikyo kyo kinunu. Isaga itolo nkyēni lilino, ugwe gwe kulōnda ukwītōga pa kyene. Itolo mūmo ugwe uyīlile, “Itolo mūmo une njīlile, kisita kyakulāmba kimokyēne.”

258 Kumbukilága. Ugwe kuyoba, “Ngimba gula go mpiki?” Ena. Gwālipo umpiki gwatumulígwe, akabalilo kamo, kangi gwābikígwe kāngi pa Kalvari. Itolo nyēléla pa mpiki gula ikilo iki, ni fingo sya Kyāla, u Lisyu uyu ātulikígwe pa mpiki gula.

259 Une nitōgile pa kyēne. Une nguyaga pakwītika icyēne, ni ndūmbula yāngu yōsa. Une ngulōnda ukubōmba bu bwīngi bo ukwīsa kuno nukuponia amaboko ga bakundwe bāngu.

260 Kyala abasaye umwe, panongwa ya bwimilo bwinu bwabukifu. Une ngulōnda umwe ukwīma apa, itolo pa kabalilo, bo uswe tukusuma. Kyala akusaye ugwe, nkundwe gwangu. Kalumbu gwāngu umpala, Kyala akusaye ugwe. U Ntwa Yeso...?...Kyala akusaye ugwe, nkundwe gwangu. Kyala akusaye ugwe, kalumbu. “Ndongoléla une.” Akulōngoléle ugwe ukukilania ikisiko.

261 Kumbukilaga, ukuya gwambombo gwa Kristi, une ngumelelígwa panongwa ya kulumbilila i Lisyu. Une ndi gwakumelelígwa panongwa ya bukēti bwāngu. Kangi ngimba une mbagile ukwīma apa ikilo iki. . .

262 Kangi u nnyāmbàla gwa fyīnja malongo-mahano-na-fihano, pamo ifyīnja malongo-mahano-na-fitatu mbukusi mu Epurelo, nukwīma apa nukumanya ikyo, mōpe mu mboniboni iyi iyabumalikisyo, agēne gabagile ukuya masiku gāngu manini agabumalikisyo pa kīsu. Une—une mbagile ukubaleka umwe mmasiku manini. Une ngamanya iki icyēne kikusanusya. Itolo pilikisya i tepi kangi egapo ifūndo yīnu. Une ngamanya iki icyēne kikusanusya. Ngimba mbagile ukwīma apa, kangi mwāsinda nītikege ukuti iyēne yibagile ukuya ndumi yāngu iyabumalikisyo iyi une ngulumbilaga ngamo siku, ko kunokuno mu Phoenix, nukuyoba ikindukimo iki kyāli kisobi, kangi ngumanya ukuti ubumalikisyo bwāngu bulāmbaléle panja ukukilania, kangi une nisakulōngígwa ukwisila mu masyu gāngu?

263 Bakundwe bāngu, unko une njobe iki kwa umwe, kangi abakalumbu bāngu. Umwe mwīsilémo mu ngomano syāngu. Umwe mumenye fiki, ukumanya-aminogono ni findu. Ngimba une njobilemo kalikōsa kwa umwe, mu Ngamu ya Ntwa, lōli iki kīsile ukuyako? Une ngulālusyāga aligwēsa pamwēne. Umma, nkulumba. Ukusyūngutula ikīsu, kangi ga maelifu ga mboniboni, sikālimo pala siku. Kangi une ngubabūla umwe ubwānalòli ikilo iki, i Lilopa lya Yeso Kristi lya līngi lyakufwāna nukuti ilyēne lukusyūla akanono kalikōsa, kangi ilyēne libagile ukuya.

Yilipo i Nyibuko yiswile ni Lopa, (Kangi umwe mwīmīle apo pa Ikyene lilino.)

Likwabigwe ukufuma mu Ndepa sya Immanueli, (Ikindu kyēne isikisisimikisye iki kisyēle pa kīsu.)

Kūko abatulanongwa bikwiyubika pasi pa  
mōgésyo gula,  
Bikutaga gōsa amalobi gābo gabutobesigwe.

<sup>264</sup> Une nguyaga ukusūma abalūmbilili aba lilino, kangi abakūndwe, linga umwe mwisakwīsa panja kuno pakati pa bāndu aba. Kali yūyo ali. . . Ngimba iyo yo njila, ugwe kubilikila abalūmbilili ukwīputa na bāndu? Bōsa abalūmbilili nkati muno, polelo, aba bikulōnda, bikyēlile ukugibona imyoyo gikupokigwa, isaga kuno nukwīma ukuya kibugutila kya lwīpūto, kūko uswe tubagile ukwipinya twībēne palikimo, ukusōkako ukufuma ku kilikyōsa ikīngi, nukwīpāgūla twībēne. Aba bo banyāmbala na bakīkūlu aba bikufūnga ubumalikisyo bwābo, ikilo iki, ni Lilopa lya Yeso Kristi, ukummwega Umwene pa Lisyu Lyake, ukwītōga kulakula kumwanya mu Kuyapo Kwāke, pa Lisyu Lyāke, kangi nukuyoba, “Apa Une ndipo, Ntwa. Une ngaya nakyo ikyakupa lōli nīmwenē, kangi ega une.” Ngimba ugwe kwīsāga ima na bēne, linga ugwe ubagile? Aligwēsa yūyo abāgile ukulōnda, isaga kangi ima. Kyāla abasaye umwe, bakundwe. Ikyo kyo namaka kinunu. Une nkiganile ukukēta abanyāmbāla aba bo bakifu, aba bikyēlile mu mpyoyo. Une ngusakisya, bakundwe bāngu, ikyo kyo kinunu. Sulukāga itolo ukusyūngutīla. Ikyo kyo kinunu. Ima ukusyūngutīla. Unko uswe itolo lilino. . .

<sup>265</sup> Linga unkuba-piano isakwīsaga ku lwīmbo, linga umwēne isakubōmba, unko uswe twīmbe ulwīmbo, nubutofu lilino, nubundu, nuluyīndīko.

<sup>266</sup> Uswe tutikwīsa mma ku kindukimo ikyambutītu. Uswe tutikwīsa mma ku kindukimo iki kyo itolo i—i—i kiyēgēla-bwītīki. Loli uswe tukwisa mu Kuyapo kwa Kyala, ugwamakagosa Yehova Kyala, Uyu afīngīgwe ukuti, “Palipōsa apa babili pamo batatu bībūngēnie mu Ngamu Yāngu, pala Une ndi nkati myābo.” Yoba ku Mwēne mūmo umwe mwābagile ku mwīnīnu, yoba, “Ntwa, une nhobokelāga. Une ndulilwe inongwa.” kangi uswe tukuyaga pa kwīmba.

Yilipo i Nyibuko iyi yiswile ni Lopa,  
Likwabigwe ukufuma mu Ndepa sya  
Immanueli,  
Kūko abatulanongwa bikwiyubika pasi pa  
Mogesyo gula,  
Bikutāga ilinona lyabo lyōsa ilyabutobesīgwe.

Unhiyi uyu āfwāga yula alikyēlile ukukēta  
I Nyībúko yila ilisiku lila;  
Pala une njege, palema ndingāsi bo umwēne,  
Nsuke imbībi syāngu syōsa.

Ukufuma pala nu lwītīko une nālubwēne u  
Lusōko lula  
Fyāko ifilōnda ifyēndelēle fikutwāla,  
Ulugano lwakutabula lwāli fūndo yāngu,

Kangi lwisakuyaga mpaka une ngufwa.

267 Yaga itolo naloli nnāndi lilino. Ugwe ukaya nakimo. Nayumo gwa uswe tuli nakimo. Kangi itolo nubwanalōli, ni ndūmbūla syīnu syōsa, itolo inamisyā indūmbula syīnu ni mitu, kulikōsa, mōsa mu nyūmba.

268 Tāta Gwītu Gwakumwanya, une mmenye ukuti a Masyu Gāko go gabwanalōli fiyo. Agēne gakabagila ukutoligwa. Agēne go Masyu ga Kyāla. Agēne yo Kyāla. Kangi Ugwe gwāyobile, “Umwene uyu ikwisa kwa Une, Une mu njila nayimo ndisakuntagamo panja.” Kangi abanyāmbāla na bakīkūlu aba, pāsi pa kwāgīgwa, bamenye ukuti abēne bakaya kanunu mma, abēne bīsile kunyēni, ikilo iki, Ntwa, ukwīlāmbika ukuti abēne bo basobi, bamenye ukuti abēne bagūtīgwe nu bwēndelo bumō bwankati ubu—ubu bubabilikile abēne ukwisa ku Nyībuko. Kangi apa abēne bikwīma, ni mītu ni ndūmbula imīnamisīgwe, ukunwa ifya Mīsi ga Būmi, nubwābūke, aga gafīgīgwe na Kyāla. Bāmbililāga abēne, Tāta, mu Kitāngalāla Kyāko. Abēne bo Bāko.

269 Ugwe gwātīle, “Nayumo umūndu abagile ukwisa ku Myangu penepapo Tāta Gwāngu ikunkwaba umwēne. Kangi bōsa aba Tāta ambēle Une bisakwisaga kwa Une.” Kangi ikyēne kikonāngīsya ukuti Kyala apēle aba kwa Kristi, ukuya ikyabupi kya lugano. Kangi apa abene bikwimililaga, Ntwa. “Nayumo umundu abagile ukunyāka abēne ukufuma ku Kiboko Kyangu.” Kangi une ngusuma, Kyāla, ukuti Ugwe kubaponesyāga abēne ikilo iki, bo abēne bikwīma apa, nukubapa abēne u lōsyo lwa Mbepo Mwīkēmo akabalilo kakaka abēne bali apa ku kigemo.

270 Amaka amakulumba aga Kristi galīsulāga fiyo mbumi bwābo lilino! Abēne batēndīke ukwīlāta kwābo. Abēne bīsile kunyēni. Ugwe gwātīle, “Umwēne yūyo isakulāta Une pankyēni pa bāndu, umwēne nisa Une ukundāta pamaso pa Tata Gwangu na Bāndūmi abīkemo.” Uswe tumenye imbombo yila ukuya yibōmbīgwe.

271 Lilino, Ntwa, fūngāga abēne mu Kitāngalāla kya lufingo, kya Mbepo Mwīkemo. Tupaga ikyene, Ntwa. Onelelāga pānja u Mbepo Gwako pa bēne, kangi bīsusyāga abēne na Mbepo gwa Kyala gwabumi, ukuti abēne babagile ukuya mabukēti amūmi amasiku gōsa ga būmi bwābo, ku Kitāngalāla kya Kyāla.

272 Lilino unko ikilundilo kīme. Aligwesa mu lwiputo lilino. Uswe tukusuma ukuti aba . . .

273 Lilino, aligwēsa gwa umwe mwe mwisile kuno ikilo iki, mukwīpilika ukuti umwe mwāli nu butulwanongwa pa ndumbula yīnu, lilino kikayapo nakimo iki ugwe ubagile ukubomba loli itika ikyo. U Mwīkēmo. . . Ugwe itikisya *Iki* nu lwītiko. Ulu lo lwītiko, ukuti ugwe kwītikīsya. Yeso āyobile, “Nayumo umundu abagile ukwisa ku Myangu penepapo Tata Gwangu ikunkwaba umwene tāsi. Kangi bosa aba bikwisaga

kwa Une,” Umwene isakwāmbililāga ikyēne. Umwēne akabagila ukubomba akandu nakamo akangi, panongwa yakuti Umwene āfingile ikyēne. Muketile? Komma ukwēgamila pa bwipilike lilino. Igamilāga pa Lisyu Lyāke. Muketile? I Lisyu lyāyobile lulo.

<sup>274</sup> “Umwēne uyu ikupilika a Masyu Gangu kangi nukumwitika Umwēne yūyo ālindumile Une, ali,” itensi ya mwīsyūgu, “u Bumi ubusitakumalika, kangi atisakwisamo mma mu Bulongi, loli akilenie ukufuma ku bufwe ukubuka ku Bumi.” U Mbepo Mwīkēmo yo bwīsibile ubwa kwīsusīgwa nu kufwīkīgwa na maka ga kububōmbelo. Lōli ukwīlata nu kwāmbilila Kristi ko kuya nu lwītiko nukubōmba ifyakwīlāta, kangi nukwipilika ukuti Kyala akuhobokile ugwe isya mbībi syāko.

<sup>275</sup> Kangi pa lwālo lwa Lisyu Lyāke, Umwene alinkuyoba, “Nayumo umūndu abagile ukwīsa penepapo Tāta Gwāngu ikunkwaba umwēne tāsi.” Muketile? Lilino, Kyāla akukwābile ugwe, ikyakwanda. “Kangi umwēne uyu ikwisaga kwa Une, Une mu njila nayimo ndisakuntagamo umwēne.” Muketile? Muketile? Ugwe—ugwe gwambilile ikylene. Ikindu kyene, ugwe kufimbilisigwa . . .

<sup>276</sup> Umwēne—Umwēne āfwīlile ugwe. Imbībi syīnu syahobokelīgwe, ifyīnja elifu-na-bamia-lwele-na-yumo ifi fikīndilepo. Ugwe itolo isaga lilino ukwitikīsyā iki Umwēne ābōmbile ugwe. Muketile? Kangi ngimba ugwe kwītika ukuti Umwēne āfwīlile imbībi syāko? Ngimba ugwe kwitikisyāga Umwēne ukuya kyakuhōmba kyāko? Mmasyu agāngi, ugwe kwitikisyā Umwēne, bo Umwēne ālyēgile imbībi syāko.

<sup>277</sup> Ngimba ugwe kuyaga nsangalufu kangi kumpālisyaāga Umwēne panongwa ya kwēga imbībi syāko? Ugwe kwitika Umwene ābombile ikylene? Polelo fyusya ikiboko kyako itolo, yoba, “Une ngwitika ukuti Umwene ikwega ubutulwanongwa bwāngu,” ameni, “ikwēga ubutulwanonga bwangu.” Syosa silikanunu.

<sup>278</sup> Lilino, ugwe lilino gwe mfwāne ku lōsyo lwa Mbepo Mwīkēmo.

<sup>279</sup> Linga ugwe ukāmbilila u lōsyo lwa Kikristi, yumo mwa banyāmbāla aba apa bisakukēta ku ikyo, ukuti ugwe uyege nu lōsyo lwa Kikristi.

<sup>280</sup> Loli lilino, “Bo akāli Peteri ikuyoba a masyu aga,” bo abene bakāli ukōsigwa, “bo akāli Peteri ikuyoba amasyu aga, u Mbepo Mwīkēmo alinkugwa pa bēne.” Nongwa ya fiki? Abēne bōsa bāli pāsi pa lugūlilo. Lilino umwe muli pāsi pa lugūlilo. Umwe mukulōnda ikindukimo iki kisa—iki kisa kufūnga umwe mu Kitāngalala kya Kyāla, i Kindukimo iki kisakuyaga kyānalōli kwa umwe. Umwe mukulōnda uku ukwa- . . . Ngimba umwe mukulōnda ukwāmbilila u Mbepo Mwīkēmo, aligwēsa gwa

umwe? Ngimba umwe mutikundonda Umwēne? Naloliloli, umwe mukubomba. Ago go maka gako agakukyūngila. Muketile?

Abēne bābūngéne nkyūmba kyapamwanya,  
Ikwiputa mu Ngamu Yake, i . . .  
Balyosigwe nu Mbepo Mwikemo,  
Kangi amaka ga bubōmbélo galinkwīsa.

<sup>281</sup> Muketile? O, ikyo kyo iki umwe mukulonda lilino. Kangi umwe mubagile ukuya nakyo ikylene, lululu lilino. Ikyene kyo kya umwe, lululu lilino.

<sup>282</sup> Lilino, bakundwe, endaga isaga. Unko uswe, aligwēsa lilino, kangi twāle amaboko gītu pa bakundwe aba, nukwīpūta ukuti abēne bāmbilile u Mbepo Mwikémo. Isaga itolo kuno, bakundwe. Isaga itolo kuno.

<sup>283</sup> Lilino, ikilundilo kyosa, fyusya amaboko ginu lilino, aligwesa! . . . ? . . .

<sup>284</sup> Tata gwitu Gwakumwanya, mu Ngamu ya Ntwa Yeso Kristi, isusyaga i ndumbula yiliyosa apa nu lōsyo lwa Mbepo Mwikémo.

<sup>285</sup> Ambililaga Mbepo Mwikemo. Ambililaga Mbepo Mwikemo, abāndu aba apa bābo bīmīle nukugūlila u Kuyapo na maka ga Kyāla ukwisula myūmi gyābo. 🐦

63-0114 Ingangabwĩte Yikupa  
Akōgo Akasita Kuisimikisigwa  
Bunganio Bwa Nkristi  
Phoenix, Arizona U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)